

奉使朝鮮稿一卷附東方和

音一卷

〔明〕朱之蕃撰 附〔朝鮮〕柳根等

撰

上海圖書館藏明萬曆刻本

附《四庫全書總目·奉使稿無
卷數》提要

奉使朝鮮稿

江左朱之蕃著

萬曆乙巳季冬望日恭遇

元孫誕育頒

詔朝鮮承

命克正使賜麒麟服紀事志感三律

盡消冰霰轉春光俄頃歡呼遍萬方 文母遐

齡週甲子重乾一索肇初陽龍從山嶽完靈氣

即濟英賢布廟廊從此太平還有象相將童叟

咏陶唐

奉使稿

天從來復心仍見望遂更：德倍彰 聖不可

知神獨運慈稱大有事咸康清寧氣象乾坤定

重疊光輪日月長扶杖遙觀諸父老欣：相告

喜如狂

憶昔青衿換絳羅晨趨丹陛沐恩波龍雲未效

涓埃報麟玉仍膺寵賚多 天語春溫新歲月

皇華路繞舊山河藩封共慶歌承從海日東昇

映空珂

丙午仲春十二日出都

欲鼓江南棹，朝泊東園車。慈幃娛畫錦，祖帳動郊墟。帛水迎駟牡，章耀彩旗行。看春色滿畧，約柳金舒。

燕郊春已半，融岸艸痕青。銜命冰初飲，歌驪酒欲醒。由來聲教地，不問短長亭。前路多知己，無勞候使星。

二河吟

一城如斗基，半圯露霖肆。雪歲患水半，社流移半社。存輪蹄供億，紛無已耕農。強半籍豪貴，朱

朱使稿

一

二

門何計收逋稅，權璫屬虜稱。貢珍夜半索，金良糜費可哀金。盡虜無完，冒暑衝寒迎上官。邑人不知生人樂，翻羨死徙無諸艱。竭來問俗逢良令，一言一淚猶難罄。招徠徒爾疑，畏深誰棄身。家投陷穽閒，窓夜雨迴添愁。都諫慷慨紆長謀，方州兩距百里內，何堪小邑同征求。勞民勸相，邑可改興革，有會毋煩憂。

十九日薊州道中過雨

如膏春雨自中宮，潤入朝來萬柳條。麥苗攏頭

璚錯紛雲開，山半卷輕綃。穿林霽色頻，呼鵲拍岸新。流欲戲鯨，古道衝泥淹。駟馬接天烟，樹薊門遙。

春日中分午漏長，郊原渾未覺春光。林梢欲變猶含凍，宿草初抽更帶霜。何處杏花村問酒，不聞燕子語尋芳。惟餘幾疊青山色，疑道江東似洛陽。

二十日雨後往玉田

過雨春山翠欲流，岡連礪轉隱鳴騶。欣欣草樹

朱使稿

三

四

迎朝旭，脉脉源泉注。廣疇邑里煙光天際見，野雲幽興望中收。含輝良玉何年種，勝槩崢嶸拱帝州。

廿一日豐潤道中大風

春雲來往覆遶岑，風力狂顛欲變陰。夾道旌旗分柳色，前驅鼓吹答鳴禽。人歸村市孤城近，橋構沙堤野水深。入望陳宮橫秀黛，依稀仙掌指登臨。

七家嶺

野店七家市荒城百疊山相將躋翠嶺忽漫渡
潺湲車馬斜陽急心情遠道閑孤吟聊遣興得
句更重刊

和梁書之早發豐潤

砂磧生風送峭寒吹醒殘醉陟嶺岈材官呈技
分馳出父老扶藜擁路看薊北柳烟描淺黛江
南花事簇雕欄嶺頭散步消春思更卜前途午
夜驩

廿三日雨發七家嶺

陰晴春不定寒氣重侵晨雲合千峯密沙平一
雨新染深堤柳色滌盡馬蹄塵舟艤灤河曲安
流謝問津

夷齊里廟

諫仲叩馬痛無成國讓何心更近名仁暴剖分
孤節峻黃虞興慨素風清芬薇一握甘商嶺高
塚千秋列竹城醇酒危亭灤水上唯聞漁父棹
歌聲

殷周屏翰成荊棘此地猶傳孤竹名薇長空山

羈旅薦雲封高塚采樵行非綠讓國羞征伐
為求仁決死生鶴化應歸明月夜千秋如聽和
歌聲

廿四日經永平飛將軍營

北平太守飛將軍吞胡直教胡膽落視石如虎
射沒羽以虎視虜鋒誰角置身端欲比韓彭應
是目中無衛霍侯封不就歎數奇天與芳名靳
高爵漢家甲第多列侯印刻黃金旋復削老耻
對簿甘自裁翻令議報功臣薄當年營壁遺雄
威五陵荆棘成蕭索丈夫功名垂不朽生氣千
秋振寥廓朝列鼎鍾暮衣豆東陵南山差不惡
乃知身退合天道赤松從游得先著

盧龍山

此處遠城乃威南堂公所補築

盧龍形勢儼江東路入盧龍勢倍雄委宛飲河
聲噴薄騰驅施雨氣溟濛莫言界限天原作須
信提封將有功渺渺榆關無警柝從容按轡領
春風

周益我於飲永平憑虛閣

寒非素深尚怯寒奔沙湍水帶噴岼曾傳虎石
當弦伏為愛龍山秉燭看此去海天迎策馬歸
來雲日待凭欄還知不厭平原飲屈指同心雙
合驩

廿六日李台岩招飲觀海亭

秦城萬里俯遐荒覽勝都忘在異鄉坐待潮生
宜日永還從海濶信天長塞鴻斜度飛禽窈窕
錯旋添牡蠣香賓主不須辭盡醉詠歸堪繼舞
雩狂

奉使稿

六

雄關突兀控邊城海上孤亭望眼明山勢排雲
來萬馬波光漾日淨長鯨依微島嶼連銀漢虛
敞簷楹倒玉觥候吏無譁行旅悅聚星欣觀泰
階平

山海關和金太僕韻

千羣電掣玉駢驕一片明霞列錦標客度關門
迎曉日山迴海岸湧春潮宣恩萬里心依關閭
俗三韓路入遼為報流紅綿景福如天有頌紹
唐堯

秦皇島

并吞六國有餘雄鞭石為橋事不終孤島漫傳
秦帝跡長城自是萬年功

姜女石

殉夫萬里寸心勞化石峻嶒立海濤海水不枯
心不易年年雨泣更風號

山海亭晚歸

宴酣仍散城頭步境接華夷望不迷明日征途
臨涓水春風春雨度遼西

奉使稿

七

廿八日出山海關

驅車關塞外曠望足生愁遠海連雲黑驚沙障
日浮分途惟柳柵接壠即趨裘城柝前屯近清
尊為客留

和惺田獨遊寧遠溫泉

遲吾車騎浴溫泉我尚塵纓思惻然歸旆縱能
酬勝賞流觴今已負芳筵春回地脉融膏潤珠
剖淵藏媚彩圓匪藉恩波于役遠何緣濯秀海
天邊

三月朔日初度述懷

憶昔庚辰年廿三三月一日黔江干奉親將放
洞庭棹江干仙叟留盤桓逆料盛衰中毫忽懷
慨情態多波瀾就養田園十三載始應里還來
燕山次年是日策歸騎春陰千里愁間關重游
挾策見 丹陛姓名幸爾永春官不覺齒長三
十八步趨玉署荷優閒編纂學校書生技十二
流光走彈丸忽承 帝命諭東國關門一出海
天寬旌旗夾路軍容壯車馬悠悠疆圉安北堂

李使君

八

邸舍念游子夢縈絲舞歡慈顏攬鏡朝來鬢髮
改遠道風塵非所歎所歎歲月疾如駛往不可
諫良多端四十九年無是處但覺今是還江南
新除不為耀關里久客携家行路難生死老幼
各有遺溪山花竹靜相看城隅官舍足高卧閒
堪正母種宜男仙叟名言猶在耳狎鷗何必更
鷗班

初四日入廣寧赴中丞用吾李寧遠賓城兩
公郊醺

輶遣香案賦皇華驛路軍容迺使車整肅觀
明雪鎧迴翔鼓角引風笳營平方畧金城固驃
騎威名紫塞賒高會劇談清畫永游踪忘却寄
天涯

謝太涵計部郝星湖參知兩公郊醺

擁傳乘春遶海東欣逢地主兩賢同增雄敵愾
勞推赤永祿軍需見積紅絳繹行厨泉送酒慙
懃候騎野嘶風相看知己忘新舊子夜徵歌樂
意融

李使君

九

廣寧署中松風

他年曾賦松濤句今聽山城館內松吹立海波
三百丈威翻銀漢鬐羣龍

節孝四絕句 為郝參知大猷祖母任父劉賦

鏡鑒分影誓追從為撫遺孤墓自封百折不回
東逝水千秋獨立歲寒松

賢母芳徽著斷機機前孟飯兩相依持身廉孝
師模遠鳳羽中朝覽德輝

飄飄身世等浮漚不朽芳名照故丘母節殉夫

兒死孝一門千載有餘休

從知死易立孤難綫緒圖存靡趾繁天篤良臣
酬孝子慈顏終古慰層巒

初七日喜晴

夜雨鳴新柳朝陽澹遠空吹殘雲萬片着力仗
東風

初九日渡三岔河入海州

濁河流湯湯赴海勢奔逸維舟得安渡風撼高
股栗流分東西津氣若判疆域自西涉沮洳焉

蘇使稿

六

十

足泥盈尺窳歷惟烟臺時復戒鳴鏑空城茅屋
畝牧畜無留迹沿流一東邁草頭青廣陌蝶々
垂楊枝籬落儼行列村雞啼卓午鴉鵲時奮翻
遠近生炊烟山巖繞蒼碧滄湖曲屬驚鳴
相接誰知遼海濱樂土一水隔彷彿江南春慰
我出塞客願言歸江表珍重玩昕夕慎勿恣醉
眠賞心對花月

渡三岔河初見村舍

春深塞柳青猶淺山近湖陂路轉遙鷄犬相聞

傳析罷客愁千里望中消

楊錦溪叅知留海州相迎賦謝

郊原柳綠暖風柔芳舍雞聲午未休東道旌干
綬客駐西來車馬為君留春山遠郭供吟眺夜
月當筵佐獻酬更藉籌邊烽堠靜明朝去路任
悠悠

和黃完蒙見贈

宦海浮生類梗萍天涯飲德醉仙醺風塵豈解
長埋劍羈旅相看喜聚星邊馬叱雲增壯麗瑤
萬奪月倍光榮不須惆悵征袍發滿路鶯聲送
客聽

初十日發海州

騎催曉發度重關酌罷離亭覺醉顏萬頃如波
春草色青蓮雙湧是鞍山

薄暮登鞍山游安和寺

斜日翻鴉烟炊晚烟山翔鳳古松深言尋野寺
舒遐眺信步歸來月滿襟

萬壑殘陽圍紫玉一松古殿接蒼龍平收眼底

奇無限更上高樓看後峯

遼陽道中浴甘泉憩四友堂

今夕復何夕清興滿遼城曉日春風和爭鳴燕
與鶯停驂餉正午地喜甘泉名問泉在道左一
水溫以澄浮游移畧刻詎云濯塵纓泉流繞山
趾宛轉交送青巖石危欲墮喬林帶金繩空館
寄平麓山光俯簷楹庭前曰古松蟠壑應龍精
一龍蛻其骨神飛入青冥三龍相糾纏偃抑仍
騫騰鱗甲霜雪老爪角風颭之似與空山月相
競含孤清焚香松下看山待月明暫此結真
友常願托深心

投謝雲洲張方伯留飲

百忍曾傳世澤存松榆萍梗接春溫廟堂端倚
舒東顧鎖鑰行看重北門宛轉吳歛翻子夜團
圞邊月泣青燭朝來更有登山約為謝天風莫
浪喧

望日早起

雞鳴鳥飛欲曙天抽毫曾對玉階前驅車此日

遼陽路轉盼恩光十二奎

見杏花

飄風十日不暫住春光吹得到天涯酒醒有客
度遠去紅破青山山亦花

登浪子山

山勢狂奔名浪子溪流清穩趁居民依稀尚說
唐皇事暎甲峯高遠畧伸

過青石嶺

蹊間籃輿踏綠蕪連峯四合略疑無綠崖千騎
盤如蟻青石凌空鳥道孤

山行書所見

入雲船吹半峯聽雉雉驚人振健翎粧點山容
娛遠客花開經錦髻螺青

無數山花潑眼明逢春日緩王程好奇輸與
喬松在偏向孤峯險處生

山家

山作牆圍草屋低幾家分住澗東西何當卜宅
同幽勝種秫調桑更種雞

三月既望

一月馳驅路已賒
閑程猶隔鴨江涯
千重雲嶺孤城外
開遍春風爛熳花

山頭野燒

山農魚地事春畊
星火燎原萬炬生
疑向月中觀赤壁
翠峯環映水天明

夜雨

已聞高嶺畏攀躋
夜雨傾簷聽轉淒
平地湧流新水泛
近山成遠濕雲低
催殘春色花狼籍
鼓

本休稿

天

古

舞田家變整齊
松頂長風生萬壑
馬頭晴日浴清溪

三月十七日雪

有客遶西記歲華
殘春見雪嘆無花
于今花滿重飛雪
巧弄春風

大雪晚晴

花發映山紅
歡游春色中
青山一夜雨
白雪五更風
雪片時疎密
山容換淡濃
寒暄分半晌
威力減三冬
想慰風塵客
因施點綴工
迴翔方拂

地軒舉復凌虛
館飛銀蝶叱雲
隱玉龍村雞啼
午罷霽景散羣
峯

十八日早度高嶺

萬山春雪霽
溪水奏新聲
嶺峻高堂近
雲開遠岫明
逢迎皆玉壘
唱荅有金鉦
千仞迴懸磴
環看後騎行

盤道嶺遇朝鮮脩貢使

冰消雪霽野光新
歷遍巖崎入暮春
白楮黃狼充府寶
金書玉節下廷綸
從知孤矢肅初志
莫惜馳驅總帝臣
試看馬蹄泥上跡
天涯多少未歸人

歸人

草河口

飛花正好漫流香
欲避閒來碩影翔
觸石聲喧尋壑轉
不知何事自奔忙

村居

急澗似絃鳴
亂石如雨田如織
被橫坡山家活計
無多事黃犢閒眠
挂綠蓑連山關

萬壑山無盡中分若開門石田餘野燒土屋散
荒村涉澗波翻驚梯雲蔓引猿重關經幾度前
路指平原

分水嶺

路穿絕巔千峯匝水界雙流兩境分汲破春冰
明旭日飲來駿馬踏層雲

十九日晚霜

霜華滿地曉生寒九十春光十日殘白草連山
人跡杳恍如天關雪中看

水東稿

十六

龍鳳臺土人云昔有唐太宗所建按明今廢為墩臺戍守
西山相對馳宛若雙龍戲攫拏無定形擊撞有
餘勢一峯忽獻奇反出鳴鳳喙翻翻復翩翩舒
尾仍鼓翅容路經其中左右勢顧視窮黠唐文
皇征遼期逞志嗟此山靈砮按閣競弘制鳳栖
閣已傾龍眠樓亦廢惟餘當年址農人時樹藝
慎德自來賓聖代得長計高臺謹封守一夫當
百隊將命來騁目延佇瞻雄麗願言簡卒徒信
賞豐稟鎮天險協人和遠邁卜年世

斜哨河

古槐甲拆未綠前溪澎湃偏清裊裊村烟午餉
蕭蕭車馬長征

閻嶺

摩肩側讓峯腰屈仰面傍觀馬足高草卧萬羊
鞭不起道穿飛鳥首頻搔

長嶺

糾纏山勢亂如繩鑊削山腰路可登百折紆迴
到十里舉頭碧浪擬千層

水東稿

十七

望鳳凰山昔倪文僖公于此下營有詩

龍虎踞盤江浪迴鳳凰軒翥寒垣雄行邊本是
江南客萬里風光嘯咏中

春城花發酒盈卮堤草鋪茵去馬遲却憶當年
倪學士雪營驚虎苦吟詩

宿鳳凰城看山

絕塞何年威鳳至依稀羽翮本天成德輝可覽
山花色瑞世常留洞水聲池上客來臨鯨臺
中人遠隔瑤京清尊不盡登攀興坐待峯間吐

月明

廿日孤山館松

館傍孤山獨對松
亭亭午蓋蔭游蹤
峯翻彩鳳凌蒼鬣
奮甲青霄見赤龍

乾河

鳳坡曲曲水沄沄
雨後溪光幾派分
流入春江添鴨綠
也知曾濯九苞文

三道河

危橋斷處柳條鋪
環合崩崖啓客途
更謝多情

永使橋

六

新澗水清聲漱玉
影跳珠

憩湯站

折得山家杏一枝
春城靜對晝眠時
杏花村裏遶陽夢
飛度江南醉曲危

即事

青草岡頭射雉雉
百花潭上又魚仙
客正傾村酒土人又
獻山蔬

湯山溫泉

湯山朝涉九迴溪
逝濯溫泉過嶺西
齒頰甘香

餘玉醴膏育泉石得金鏡

青山

到處山青此擅名
嵐浮翠滴碧天橫
携來采石江頭月
宮錦騎將太白鯨

鎮江

千重雲嶺叱征軺
作鎮江干障薊遼
無數奇峯依岸出
不知若個似金焦

廿二日金遊戎邀飲望江寺

嵯峨蒼麓啟琳宮
疆域區分指顧中
我馬騰驤

永使橋

六

十九

聊暫息他山拱揖
正無窮長風吹浪
江頭白落照蒸霞
海角紅疊鼓鳴笳
川谷震飛觴縱目
俯遙空

廿四日曉月

曉空新熨青羅幕
斜印犀梳月半痕
露墜穠花閒綉榻
雲連遠岫掩重門
光同生兔初升海
影澹征衫不落樽
漸有陽烏分曙色
雞聲猶自滿前村

中江金遊戎送別

重、渌水漲桃花，握別樽前勝。泛槎隔岸春光，
深異域。臨江山勢，捍中華，千秋事業憑雙鬢。萬
里車書正，一家待得采風還。鼓棹南薰，銷暑薦
茶瓜。

渡鴨綠江

歷、巖巒分畫屏。江聯中外，匯滄溟。鴨頭過雨，
新添綠。螺髻盤雲遠，送青自是大觀垂。宇宙從
知有道，盛威靈。春風彩鷁成飛，渡海表應占聚
德星。

奉使稿

赴義州值雨

雲錦天章出，帝閣征軺星。駕入東藩，重江淨
染鴨頭色。三葉欣傳麟趾，繁棹舉鷁飛塵外。境
鶯啼花發，水邊村舍，雷忽送遙空雨。應趁扶搖
起化鷗。

廿五日龍灣館中登聚勝亭晚發

山館虛亭迴春登，暢旅情江光天外入。松韻雨
餘清，前路詢修阻。方言半晦，明板與飛碧。憶人
擬御風行。

箭門嶺小叉嶺

松林十里散香花，幾見盤空嶺道斜。疊石藉茅
忘險易，何愁風雨又天涯。

赴所串館

越逐春光到海東，山花萬樹發春紅。望迷晴旭
飛莊蝶，聲送和風度塞鴻。雲傍旌旗增麗彩，峯
迎鼓角獻豪雄。驅車未厭游蹤遠，覽勝耽吟興
不窮。

古鎮江

奉使稿

誰策青龍跨鎮江，松排怒鬣未全降。乘時好去
施霖雨，留取清流駕小艤。

良策館左右有龍背山馬山

柳色松陰古，逕深龍驤馬。逆聲層峯春風，醺雨
催行役。清澗宜茶淨，客心半榻篆烟醒。蟻夢一
窻花氣換，禽音携將法酒慵斟。酌為歡餘，寒擁
被吟。

車輦館以蟠松著聞，近已化去，僅存枯幹。前
後峯間松皆蒼鬱可愛，遂爾命篇。

老龍脫骨睡未足龍種成羣爭起伏昂藏各抱
千季姿天性誰云鱗者獨吼風噴雨聲鏗旬宿
霧屯雲顏肅穆幽邃自能翳剪伐養成鱗甲棲
巖谷或奮青霄作霖霖或對蒼巒卧麋鹿冰鑑
時來訪伏龍清光相照人如玉

鱗松絕句

山館鱗松久擅奇于今盡損入雲枝風雷催促
蒼龍去不遣徐凝來賦詩

過鐵山東林西古城宿林畔館

秦史編

五二

古城偶草離離重門圯盡存荒蹊行若心惻居
人稀憶昔萬瓦應參差鞠為壠畝來鋤犁試向
耕夫問井邑遙指鐵山省當時但知力農事築
城知為誰東去車無停山迴路復岐又見古城
出道左曾咏昔人東林詩彷彿宜在此境是譚
者聞名半信疑維城有名漫不傳世事遷變那
可知噫嘻予前身是否丁令威重來城郭止乳
石嘆息不但人民非林畔憇高館坐愛青松枝
四樹成列如侍立亦愛適客相迫隨參湯加露

甘于茗撫松索句堪支願栗里孤松重請節車
輦鱗松富品題而松先後歸烏有四松今乃初
見奇天家雨露億萬載松與日月相蔽虧雲根
入地盤石固常見古城草綠春風吹

柳西垆和途中雪詩仍以贈

彩華射霞紅歸君懷袖中愚溪追麗藻百世起
和風芳譽由來重玄心近益濃甘霖敷屬國暖
日盎嚴冬餘緒唐音吐連編郢調工慚予柔翰
拙捫腹私書空謬賞能題絮將無好畫龍王程

秦史編

五三

同緩轡廣和向雲峯

再和柳西垆

相向笑顏紅行歌古道中深松延秀色沃野信
淳風片語投來合交情物外澗寒予難逐電風
爾善鳴冬布粟尋常見雲霞變化工愁牽春事
老興還酒樽空心折頻窺豹材雄足擾龍東邦
巖岫衆君數最高峯

三和柳西垆

芳樹有殘紅春歸驛路中一函宣 聖詔萬里

駕天風綺館琉璃燦醇醪琥珀濃重茵方畏煖
省火更疑冬遯客文章伯賡酬絕代工驚濤驅
海若浩氣亘晴空巖嶺笙簫鳳延津劍合龍旅
懷消覓句無夢到巫峯

和梁惺田年丈題林畔館對山古松

峯松孤植面銀屏只少峯頭小結亭鶴帶雲飛
來絕嶽濤乘風鼓蕩荒坳實垂不羨梧栖鳳花
醺應嫌絮作萍立石他年休盡化常留老幹耐
霜星

經東路河午憩雲興館

曉間雲興境橋橫東路河風輕紋縠細坡衍綠
茵多娛目山川秀同情笑語和楊雄勞筆札音
譯漫傳訛

金孝女故問

劉方本坤德篤孝自天常孝女依慈母相視為
存已母病身何有傍徨叩穹蒼涕淚眼欲枯寸
寸摧肝腸揮灑落纖指杯羹起仆僵把酒欲揮
時志乘百鍊鋼神鬼應嘆咤體魄仍安康母年

藉以延失指庸何傷誠感護神應回生豈禁方
經今幾何年頌德盈道傍與母骨同朽不朽留
英芳碑受蒼蘚蝕名爭日月光 聖朝孝治廣
箕封古教長勉旃敦倫紀庶不愧冠裳

過黨於嶺入定州新安館

森森危石徑中分想見當年斧鑿勤鼓角登峯
喧挂瀑吹烟拂岫泉歸雲紛披草色鋪茵卧吮
雜鄉音度曲聞下嶺百盤方出谷城闌遙啓界
斜曛

廿八日達川

碧水圍如帶鄰鄰動曉風縈紆通兩岸高下欽
雙虹獨瀉朝宗勢還滋稼穡功觀瀾非有術魚
樂共無窮

白峴

峴首橫空雪嶺開沙明石淨絕塵埃籠雲淡日
暮風凜疑向江村踏月來

岷嶂嶺

嶺下溪鳴應馬嘶新除石徑與雲齊望中重疊

懸青嶂更喜芊綿布綠畦

麻布川

布穀聲催春事往川觀應喜桑麻長我欲尋源
問隱居桃花不繫漁人舫

曉星嶺

雲崖點石紛如雨一徑天行露曉星芳館遙開
圖畫裏勝遊惟醉蒼山靈

納清亭

納清亭子枕松丘山色川光面面浮供帳嘉蔬

卷休病

千本

延野客闢餘勝地藉名流楊穿隔澗筒傳箭峯
度前旌谷隱騁開却壺觴無別技斜陽相伴小
淹留

齊山亭

在嘉平館中

壺嶠隔渺茫飛仙不可學乾坤設奇境闢發衆
乃覺駕言之東藩山多圍翠幄嘉平構孤亭極
奇居卓犖四山拱揖如相迎欄楯直與山頭平
送青約錦花滿岫歌聲鳥語春風輕到處看山
皆仰面何能爭向坐中見晚觀不厭曉更登山

外海霞明一片

控江亭在大定江上

大定江頭潮欲生扁舟鱗次與梁成虛亭坐擁
依山麓千騎待渡輜軒停澄波一曲鏡光淨遙
山西道峨眉青繞亭被野多耕夫相莊餉婦首
戴簪量谷傾城觀夾道寬衫純素臺笠層喜見
熙恬同海國千秋藩翰拱神京

赤嶺

江通清澗繞田家路入春山辨野花葢影分開

蒼靄色馬蹄踏碎赤城霞

楓川橋

川水若紅蟠石梁聳鰲背春無丹楓飄日與青

山對

四和柳西垌紀新安館識樂

綵仗列城紅歡呼海甸中重離遶春運胥慶普
祥風稠疊儀章肅態懃禮意濃歌啜鶯轉谷舞
袖雪飄冬鵲峙勞樞相鳧趨集衆工會同成壘
壘專對愧空空莫吐懷中鳳難勝筆下龍多君

裁險句聊為步奇峯

晦日早登百祥樓

下瞰清川江在安州城西而

烟江雲嶺繞城隈興滿登樓曉騎催三月祗經
今日盡同人須放好懷開潮迎漁網供筵饌天
遣鶯花送酒盃白傳行遊曾得句春歸轉入此
中來

三清閣

新報三清小閣成相將觴詠暢幽情清涼景界
清和候詩骨何由得更清

宋使稿

安興館夜譙

天

民物同春麗日遲清川花映水邊枝天家綸綍
超承重華館簪裾宴集隨的爍鮫珠明寶炬駢
闐麗鼓佐金危車塵淨洗中宵雨絲繞祥光徹
海涯

新院屯

幾個柴門夾路開門前父老莫相猜疎狂不是
朱顏客纔醉三清曉色來

長句帳中午飯

綠野青油幕黃鱗白糝羹加餐長句路夢也只
山行

萬曆丙午以元孫誕育蕃受命頒
詔朝解道出安州遠接使柳贊成根以牧使
權盼所歲八世祖近蒙

太祖高皇帝賜詩三章附應制諸作屬題末
簡蕃莊誦聖謨恤小柔遠息民興化之旨

溢于言詞外東人迄今利賴焉且取善憐
才無微不錄俾近獲從容敷對述往紀勝托

宋使稿

二九

傳不朽良稱希遺矣奉使來茲讚誦咸備

蕃亦賦八絕句以塞其請既不敢倍

聖祖優異之初心亦仰紹諸先達闡繹之共志
觀者或不罪蕃之多言云爾

奉詔奔趨紫極宮遙從天末仰重瞳臨

軒不問清平調指事陳詩見土風其一

萬里孤危向關身雷霆雨露然驚神親承

聖澤歸榮日爭觀淋漓寶墨新其二

鳳篆鸞章帝手裁遠臣歸捧渡蓬萊王庭為

報 天開霽明月祥雲海上來其三

明見無分萬里疆千秋 肅藻訓藩王畔農歌
樂消強詐耳衍箕封慶澤長其四

聖主推心德意濃九秋宴樂入三冬身隨塞馬
東歸後題識猶存字字恭其五

海上 天葩貫日紅萬年呵護有神功蘭亭預
返山陰棹不付夷酋一炬中其六

檢點遺編迹未陳縱經傳寫亦家珍于今八葉
多繩武好佐藩宣莫遠人其七

京國猶存舊酒樓當年想見勝仙遊白壁為錄
承 恩句嘉話重宣二百秋其八

四月朔漁波嶺

碧艸綠坡湧浪紋海嵐吹雨入山雲舟車一樣
輕颺意只少漁歌遠岸聞

岩峙川板橋

風雨將春忽送歸輕寒猶自透檐帷橋添新水
岩添秀分付流雲且莫飛

斧山

原田綿繹望中平一片青崖類削成想是巨靈
遺斧在塵埋千尺草叢生

肅寧館中有亭未名以其前有荷池遂命之
曰錦香并題四韻

叱馭關山春色殘荷池芳館息雕鞍面鋪新葉
青猶淺想約薰風暑亦寒佳境每經尋句荅閒
憲偏好借書攤亭亭艷蕊行將滿靜聽清香雨
後看

肅寧館池上小亭舊名菡萏子易之曰小蓬

壺

不淺滄洲興應同汗漫遊山池開一鑑水檻汎
虛舟澗玉涼涼瀉荷錢點點浮塵甕那得到海
上揖浮丘

四月朔日午飯安定館

朝來風雨暗東郊于役清和序忽交迅疾流光
遷海國高華亭館枕山坳羣鳩振羽啼新綠乳
燕對春入舊巢零落梨雲欄藥茂歸途詩酒可
全拋

二日觀井田回泛大同江登永明寺飲浮碧樓故址見綾羅島麒麟窟放舟回館城上燈火五里通明如晝

遺墟歷覽首重搔古調當筵飲興豪江浪一亭浮彩鷁城闌萬炬掣金龍樓隨塵劫蒼烟在橋鎖孤雲石塔高
清夜忘疲良愛客王程何敢恣遊遨

追和元李翰林稽浮碧樓韻

言陟山城寺追思江岸樓壺觴延暝色韻語漫

奉使稿

八

〇三十二

陽秋歌舞存風雅禽魚助勝遊微吟題壁句千古憶名流

大同江新船題之以飛雲仙舫

亭覆黃茅古意殷載將西舫貯清芬江天柔櫓輕移處倘是飛仙御斷雲

四月朔有小雨詔入平壤舞隊甚盛觀者塞途詩以紀之

黃麻朝捧下金雞異國風光入品題到處甘霖隨玉節充衙忡舞雜銅鞮植檀衆戴堯都遊樂

浪名傳漢時迷聖王固存恩澤滿殷仁同德拯黔黎

快哉亭和海嶽翁韻

孤亭便遠眺撫檻意悠哉龍去風傳笛鯨吞海入杯康民餘舊井縱日出高臺秀嶺橫千里蓬瀛盡畫開

渡大同江

朝宗江水聽潺湲載酒徵歌共扣舷終塞聲華原禹甸自東雨露總堯天游鱗美影迎前棹振

奉使稿

八

三十三

驚衝烟下遠川且止中流簫鼓奏恐驚漁父枕蓑眠

生陽館

有山盡畫脩眉淺無柳能舒翠帶長曲徑幽深通小館夏初輕暖似春陽

駒岵平安黃海兩道分界處

兩山如束中開徑送迎拱揖時相近據鞍馬首望分疆到處東遊可乘興耳畔鄉音漸習聞經旬禮讓對芳尊旌輝騎吹朝來異又報黃州近

使君恩綸鼓發江山色角觝魚龍鱗次集海陬
壯觀合皇都願繼風人歌帝德

宿黃州鎮蘇安館

東出高麗道雄關爽氣生填同蕪水重山較楚
江平環擁笙歌沸飛揚體寬輕不辜天澤沛遍
野樂深畊

太虛樓和海徽翁韻

縹緲層樓漾碧虛斷雲孤月幾躊躇雲飛遠樹
吟昨宵月映清尊髮影疎漢水耕桑同樂土桃

本使稿

三四

源花竹散郊居浮槎有客凌晨漢未信游觀更

勝子

簇錦溪

灘聲嗽月鳴機杼花艷描春入綵絲不是蜀江
新濯就定從牛渚製來奇

洞仙嶺別有大道僕夫畏遠登此甚險而奇

雲鎖苔封洞不開寥天仙馭幾時回分明隔斷
人間境誤引劉郎得入來

宿洞仙館

不住瑤京十二樓言尋靈洞采真遊雲為翠葆
千重密松是龍精萬騎留別向壺天開日月嘆
看塵界換蜉蝣東來客抱烟霞癖高枕山柵夢
亦幽

晚赴劍水

山匝曉烟翔白鳳松橫古道屈蒼虬倚天峭壁
函長劍劃斷雲泉百折流

午發劍水

一水雙流分劍脊連岡並起據駝峯茂林彌望

本使稿

五五

渾如柳聽入啼鶯路幾重

西山灘

挿水雲根色轉蒼灘聲漱石叩琳琅車中驚夢
牽鄉思閣啟青溪枕簟涼

登車踰嶺

驅車復驅車上下歷山坂輟耕來觀者似念客
來遠遠遊非所嘆遠人需 皇仁今晨行戴星
西日投郊堙看裘辭家歸易葛倚門延佇望天
末知舊應從羨壯遊襟期恨未全軒豁待沛

恩綸報 九重歸帆幾幅挂秋風北山猿鶴伴
清夢夢到驅車東嶺東

龍泉館南川謝柳贊成饋魚

南川白石燦霜雪川流清深鑒毛髮泳游可數
錦鱗魚濯影瑤室一鉤月汲取川上水還烹川
中魚舉網不待臨流羨娛賓相饋傾清醕龍泉
舊基新結廬斗室潔似幽人居僕夫息肩容停
車放箸飛觴且為樂川俚明發任修途和歌終
日往復返天涯蹤跡未云疎為期畢却公家役
歸買扁舟泛五湖

屏風巖

巖轉隨溪客路經偏憐陡絕對清泠溪花開滿
棠梨樹倒影青巖作畫屏

翠屏山

山容曲曲與雲齊翠合千巖望欲迷踞虎蹲鷗
開磴道綉帷寶鑑映林溪捫參列岫遙空外架
壑平橋一水西雲母輝煌雙孔雀何如嶺海障
幽柵

慈秀山

穿嶺尋源問泛枕鬱葱佳氣繞揮毫簫聲震谷
雲來鳳山影搖波海駕鰲秀色可餐交茂木香
風引興入醪醑嬌魔絲綸勞供帳野客惟應嗜
澗毛

玉溜泉

誰注澄泓界碧巖詩脾一掬漱芳甘迴將野岸
滋靈藥分與潛鱗泳石潭調譚牙琴偕素賞洗
清渠耳納玄談懸崖更剔垂飛瀑煮石烹茶不

避貪

峯頭石佛

瞿曇何事此空山謝却莊嚴照間剖斷葛藤
香艸合洞除牆壁海天閒鳴泉刻刻傳遺瀉蒼
蘚年年上錦綉莫笑幻軀元是石本來面目未
冥頑

漆園

林梢烟光帶雨深虛舟同抱漆園心紅塵已為
消除盡更洗溪山待討尋

猪灘

灘頭新水漲滄灣萬斛珠傾石竇間還似維舟
風雨夕江豚吹浪過孤山

吾助川迴瀾石

甘雨朝來助浩川奔如三峡幾渦漩不緣介石
施回挽何得安流見淨涓風過掀翻高柳浪鷗
飛衝破綠蕖烟狂馳息處浮漚散一潭塵纓思
豁然

過金郊館

經行百里路非遙日有吟編破甌寥更愛雨中
山色好金郊亭館莫相招

高麗故宮 在開城中松岳下

囊括三韓一世雄荒丘幾疊指遺宮十年驚骨
方生聚千古消魂共怨恫亭遠儀鸞惟免窟場
空蹴鞠滿荆榛餘蒼嶽長松樹與客淒清詠
曉風

臨津江

澄江深涵萬山隈遙見波光合復開豈足填橋

通鵲駕還疑鞭石接蓬萊蛟宮霧縠籠青綺魚
服濤箋展碧苔津口漁郎能逐客醉携曉月到
船來

坡平館

舊有東坡館今改建于橋木館以存其舊焉山地名坡平故

大蘇慣涉嶺海路萬里奇峯待瞻顧億厓遠遶
粵東偏樂浪何來名景附照人寶墨與瑤篇海
外從知顧執鞭鶴化道士坡化鶴何須華表識
歸年我來驅車覓仙館緬懷坡仙意無限江風
山月用不竭英靈水月俱在眼重題新額向坡
平碧草華樓感慨生追思憂畏間關日却愧微
吟緩步行

初十日早過廣灘

松橋新築接平坡不待客舫涉廣河彌野來年
占歲稔欲翻銀浪綠雲多

雙石佛

同現峯頭不壞身芒鞋布袋任成塵野狐伎倆
空饒舌立地無言示學人

惠音嶺

陌頭飛絮添春色谷口啼鶯惠好音角立三山
當嶺出祥雲先擁漢江濤

碧蹄曉發

天家福慶啓重離風駕頒恩到海涯湛、露
華濡草木輝、曉色上旌旗周星炬列山留耀
測景車停野候時遙望嚴城雄百雉歡呼四洽
見雍熙

新院弘濟二橋

歷、危橋跨廣川轉、車發曉忘眠熒煌星炬

聯高下鰲背金鱗燭海天

延曙看曉山

朝烟凝白罩青峯掩映東陽淡變濃十里前途
休借問翻、兩地共懽悰

沙嶺望漢京城

峻嶺居然虎豹關遙開斧鑿待躋攀遙看四野
旌幢燦知有名王肅觀顏

觀漢城迎詔歡舞塞途紀之以詩

九重丹詔下青霄百技陳衢十里達初日穿

林觀老稚光風拂袂關輕剽擲身更進竿頭步
環足潭翻掌上腰總是歡騰同樂意追隨徵角
奏蕭韶

頌詔禮成

藩王劍履近宸章萬里歸忠切拱陽霞湧海鰲
明舞隊佩依仙仗領天香陳詞瞻極留雙鳳在
箭承恩御七襄好率三韓歌帝德波恬島服固
芭桑

賢王宴集于南別宮

虎拜方勤紫極朝賓筵肆啓集羣宴分庭虛
左儀常肅旅獻持盈意倍饒諄切傳言依日
月慈懃高義薄雲霄瞻來忘勢賢王度應振
中興化瑟調

彰賜亭為領中樞府事王恭題

玉陛親承帝賜金歸來卜築買青林峯巒東
郭探深秀花鳥溪南愜素心晴日三竿烘倚枕
鳴泉一派助絃琴憐予頗語滄洲趣海表追從
定賞音

十二日謁 聖後登明倫堂延見六館諸士
廟貌更新杏檜繁陰多士集橋門八條道澤
運箕範六藝源流邇魯論道不遠人期慥慥靈
舍成性在存存應知碩學先時習扶植天常壯
翰藩

漢江紀遊

漢江風物東邦最海國羣賢醺席張穩汎中流
舟是屋劇浮大白醉為鄉一天月彩蕪燈彩四
面山光接水光更漏迢迢歸酹酹猶疑枕藉向

滄浪

銅雀津邊清晝遊月輪俄吐冠峯頭江山地勝
勞瞻眺賓主形忘厭獻酬興寄高吟誇郢曲絃
揮古調過伊州遙知二客能從處嘉話常于此
日留

漢江泛舟觀漁

我本江上童綸客十載京塵迷紫陌紫陌揮鞭
信馬蹄清江飛夢舊漁磯來將 命之東國
山河表裏供登陟萬壑繁紆幾馬駐轅千峯拱揖

堪憑軟絮逢山盡繞江流高下蒼巖遠近
人愛客遊遊行素暮茅簷屋作舟把酒中流正
容與漁舟來往掉爭舉數罟弘網合若圍波光
潭影紛如組巨鱗觸網如人立縱躍狂奔勢良
急髻張鬣怒終摧頰噴沫鼓腮氣填臆不禁困
縛多小鮮垂銀耀玉何纖纖矜謂陽驕挂一日
澄淵胡不學深潛庖人技獻銀絲鱸鮮肉雪飛
紅縷界釜中泣者是前魚吸羹飛竿成高會振
蓑收網外派蓬欵乃歌長烟水重彩鷁閒維楊
柳岸清風吹月大江空

題畫為李五峯

漫撫吟鬚步野橋雨餘飛瀑響岩薺茅亭正枕
清溪曲寫入瑤琴譜自調
月滿清江天似水鷗鷺撥處驚鴻起水底魚龍
應靜聽知音不借時人耳

狎鷗亭為顧諤改柳春湖賦

意不在魚魚乃樂意與鷗忘鷗不驚乃知有意
與無意能變嬉笑為戈兵迹人寄興適其適如

鴈泛泛魚潛形直鉤無竿久罷釣有食在于鴈
爭迎大隱元不隔朝市烟波滿貯曾懷裏朝回
門外雀堪羅泊然不但心如水如水玄心枕碧
流江天空濶一虛舟心知魚樂人非我狎鷗何
必我非鷗我來先賦狎鷗句序成應信憶同游
置身縱在浮沉內千古襟期若可求

賢王宴別

海國江鄉接望賒何緣倚玉藉乘槎兕觥設醴
躬親執未優當筵禮數加高館停驂勝地主雙

不使

四日

旌分袂水天添懸知別後長相憶驚夢趁朝斗
柁斜

萬曆丙午孟夏中旬予奉 使命延佇斯樓

旦晚登眺山色照人而後信爽名以山雨見

潤物之功仰同 澤露之感寫切東邦

云爾并題四讀集以和之

層樓觀面是南山朝暮生雲出更還大溥甘霖

蘇曉放添清此瀨滄灣浪浪夜枕孤燈炯渺

渺聞遠去馬閒愛客轉嫌歸計促雨餘峯岫待

齊攀

皆春亭既已名亭不可無述同賦此篇

亭結山枿景坐收城闔民物見嬉游鍾聲度嶺
耕耘疾鳥語身寬草樹悠市易無譁惟布粟琴
尊有興寄簞酬揭來箕踞舒遐矚縱迫 王程
十日留

黍頭峯

曉作黍頭覽勝行 王庭賓從重離情嶙峋共
陟臨懸壁浩渺仍凌度遠泓酒對青山雲石冷

奉使

四十二

江搖白浪海潮生明朝芳草連關塞回首清歡
憶漢城

蒼玉巖

漢城內外有兩巖巖峯字巖巖城外者題其巖下四

鶴背仙曹控玉乳垂來遺蛻積林丘海神猶解

供朝夕永鎮江鄉衛帝州

仙遊峯

出水危峯立半然穿舟欲渡返兼天北窓不鎖
遊仙夢飛上江中嶽嶼巔

金華島

一螺青島帶平沙恍若浮珠上漢柱誰曰不標
明海國晶瑩晴日耀金華

和荅李五峯相贈別韻

柳折長亭碧玉枝相逢十日遽相離投予明月
懷中句任爾青山路口岐元禮門高欣得御林
宗風邈更題碑難忘洒淚論心處漢水鍾雲各
鬢絲

賢王郊餞于燕華館望遠而別寄此志感

經句歡宴接離筵賓主忘言意已傳秋判郊亭

李東坡

四六

分去住情隨百草各綿延相看青眼三生夢一
片丹心萬里懸塞鴈江魚近及素莫嗟東海隔
南天

題許相公寄朴參贊詩冊遂步其韻

四十年來續壯遊高懷想像賦登樓海天弘度
詩篇見金石文清墨寶收調合牙期良不朽功
成管晏信堪益欲知身後清風遠五畝茅堂一
故裘

當時陶謝述同遊共近瑤京白玉樓彩筆紅

天外落龍精飛劍暗中收思結重省存心乃
祝常思薦祖益憂我疎狂難振藻可堪紅續翠
重裘

納翠亭為洪武觀察李梅汀作

翠滴深松雨後山隨風和月落紫閣主人川上
操舟揖閒却苔英滿地斑
鳥啼花落午窓幽竹柏交加翠欲浮乘暇不須
吟更奕倫然枕簟即丹丘

廿四日重遊迴瀾石仍遇雨

李東坡

四二

來觀川漲聽新雨歸路依然風雨中底事山雲
常黯黯欲留車馬去倏倏烟光噴玉龍蒼峽壺
峩流金濕翠蓋榻借郡齋啼鳥寂疎簾弄影對
濛濛

題迴瀾石圖

立石且迴瀾離懷宜縫縑千重雲外山客行知
近遠

聽泉仙榻

絕壁懸泉露隙光
蔭松林響琅琅
仙霞隱解

窮佳勝醉月飛來藉石床

楓林綠暗雨初收曲竇泉通別洞幽旋驚崖根
青玉榻可容歸客不遲留

和李月沙送別

同是天涯龍驤人冲襟寧肯墮驚塵應隨牛馬
猶存舌勘破風波患有身種樹一編為活計紫
桑幾映作家珍但教吸月杯常滿莫照青銅白
髮新

和韓柳川送別

夜雨旋添碧澗流坐分仙榻憶鳴絃欲成後會
嗟無日忽枉新詩悵各天壓乳雲山歸魏闕依
微江樹隔晴川懸知萬里憐同調一壑松窓伴
月眠

廿六日午卧清歡閣餞宴後再登迫暮靜逼
述此見况

芸閣快登攀虛簷縹緲間佳眠宜永日延客有
佳山繞砌翻紅藥推窓倒白綸雲隨飛雨散烏
波暝烟還性懶簪裾集身沈茗椀閒懷生十八

極蹤跡任人窠

五峯館伴再和別詩依韻仍荅

漸遠東邦瓊樹枝濃陰夾路瘴黃離客隨過雨
雲歸岫君似鳴陽鳳在岐山繞蓬萊宜問藥名
同漢水不沉碑相思更屬蓴鱸候明月青溪理
釣絲

經愍忠壇

累、盈道左盡是戰士墳七尺委一朝萬里游
英魂憶昔壬癸間海沸騰妖氛焚劫無留行踪

本使稿

踐半東藩赫怒張 皇威樓船渡三軍攻堅摧

強鋒轉戰朝日昏拔幟登崇城矢石綽毛紛報
國靡顧身竹帛翼垂熏視死坦然如歸焉為仲煩
冤不恤枯萬骨極此一方存生當太平世惟禱
信無門青燐搖懔懔月怒氣盤愁雲啼血化鵲歸
何處為家園大將逐驕虜捐軀酬 主恩爾曹
生相依九原飯忠勤禦侮藉陰佑永為正乾坤
謁箕子廟

肇建東邦海上侯夢驚故國黍離秋仁社

綿千載何意周書列九章大近有源滋子公志
懷如月照荒丘耕漿式英松楸古遑恤天涯四
壯留

德岩 平壤十六咏

大同江上千尋石抗立洪濤易見功聖德自崇
波自靜萬邦應共識皇風

酒巖

三盃百悶破香醪邀月尋仙興更豪但得栖巖
甘痛飲何須幽憤讀離騷

朝天石

絳節霓旌咫尺臨朝天一騎五雲深惟餘石下
潺湲水猶似當年笙鶴音

麒麟窟

三窟經營憐顏色九天塵廓指麒麟但寶不貪
無外慕隨緣陸海絕仙真

乙密臺

山際高臺瞻乙密海中瑤島隔三神仙幾來往
渾無定笑謝塵勞車

井田

箕封舊俗惟耕稼有事西疇正及春阡陌未開
道制在民需潤澤國當新

錦綉山

東方景物佐探奇千丈山容錦綉披不用臨風
增遠思春明正屬畫游時

牡丹峯

日麗霞蒸海國春牡丹峯名翠嶙峋尋常花萼
難相似華嚴蓮開玉井新

綾羅島

峻嶒島石疊江沱麗日晴嵐景色多舉國服儒
裁布素縷華端不羨綾羅

大同江

東來春雨漲春江閒泛江天盡漿雙江水不隨
鄉國異聲同楊子共淙淙

快哉亭

孤亭傑出海天空指點荒基說故宮旅舍幽閒
遺化美只應重賦快哉風

練光亭

聞道泰山登日觀遙從匹練識吳門東邦亦有
江千里日吳時光遠近翻

浮碧樓

山樓百仞倚奇觀碧水鄰鄰入渺漫把酒臨風
生遠思蓬萊宮闕更高寒

白銀灘

迴風盛浪鼓灘聲萬疊銀花眼底生疑向山陰
浮短棹千峯時雪月明中

風月樓

池上樓臺蘸綠波海風吹送月明多為憐夜氣
清如許不種薔薇種芰荷

挹瀨樓

山城高處矗層樓海甸風光萬里收明月一天
流瀨影不辭鯨吸滿金甌

賦得默齋二絕句

曾結茅齋名曉默意在言忘任世喧一點輪君
無二諦直從混沌養靈源

參求道極惟昏默口每潤翻搖喪真衆籟不鳴
天宇定誰知橋木抱長春

贈漢陰李中樞

漢陰丈人骨相奇關西夫子識英姿江上神駒
逢伯樂明珠投贈裁新詩終竟白也非浪擬三
十年事如掌指弱冠雲衢早致身壯歲勲名滿
人耳杞甕還能獨息機憐子馭叱海天歸相逢
續句持相贈儂鳥冥鴻遠競飛

留別惺所許都監

茅簷文席山屏寬啓湖天一鉅清健翮爭看
黃鵠舉玄心獨抱白鷗盟前身舍衛鋪金地飛
夢瑤京謁紫宸物外襟期元共許莫從霄漢指
庚星

二難德器總維屏冰玉壺中徹底清秀水仙曹
曾接席祇園舊侶復同盟賞心神駿看支廐棧
藻駘壇振謝庭臭味芝蘭千古合無勞聚散更
占星

贈趙察訪公直

與子同庚子生同乙未曾舉

方壺舊住海中山偶重虛懷謫醉顏莫向馬曹
嗟冷局吟餘流水乳峯間

同賦梅花領歲芳十年不調紫薇郎枋榆欲學
卑栖鸚鵡鳳看君千仞翔

西垞老夫圖示孤山隱居之勝為賦長歌兼
致別意并祈和教以慰離懷

魚水方歡已愛閒探幽卜築向孤山人但嗤君
太早計我獨於君窺一斑丈夫涉世亦玩世終
南撓經非高致何須拂袖行功成簪纓自有烟

本集

卷

五十四

霞氣才弓矢邦君擅奇九齡揚眉能賦詩巨鰲

早釣人爭艷一壑常航心自知主恩未忍言

高隱爭如性與林泉近縱有蹄涔活鮒魚還思

豐草眠麋麋江東我亦稱畸人忽漫乘馳布紫

綸逢君江上遠相迓見君磊落起風塵我吐狂

言君發藥百篇唱筆無閑言言同調復同心

翩翩意氣翔寥廓仙槎新開對聽泉為述孤山

盛可傳未將身隱情先寄試做裴王賦朝川雙

疊雲屏隔人境虛巖可鑑脩然影五噫猶如在

會稽一瓢何必尋箕顓浣花溪似暎花潭蒼壁

千霄掉渺漫霽月光風在懷袖林翁溪友交巖巒

有時掉舟或策蹇嶺上歡迎興非淺醉意只在

山水間課程不廢收詩卷黃泥坂頭日杖藜上

坂下坂牛羊歸山鳥漫呼泥滑滑山行自解步

遲遲開遍山花無所好松風滿耳佐長嘯亭亭

古貌各蒼髯謾謾一聲傳萬竅梵石臺崇慈枕

流凭欄魚樂入吟眸荷蓋翻珠非避餌荇絲漾

月不驚動言之自覺神飛越聞言令我逸思發

本集

五十五

恨不追從何此中散髮行歌美明月君歸自東

我欲西盈盈一水使人迷日沉遠岫鞭疲馬斗

挂荒城待曙雞難凋蕭雨鬢嗟行役幸接雄文慰

孤寒指點幽杞更會心為訂神交形不隔孤山

處士說逋仙世遠風齊地共偏疎影暗香傳絕

調貫珠編玉讓君先閒中況味欲言難那更緣

深山水間無物贈君惟舊句不如高卧且加餐

至義州留別西垞初國一律

但絕離人是鴨江一天愁緒未能降趨朝我

夢山如柳華國君懷筆似扛漫嘉猷素歸欲富
後知龍劍久難雙吟編在把長相憶搔首簪燈
聽雨窓

贈竹陰趙都監

名飲遺風托素琴溪邊六逸繼冲襟綠陰千畝
君須惜莫斬論竿學鳳吟
月穿泉葉明金屑風拂壇枝掃石苔何必更尋
深處避世人能幾子猷來

龍灣午日

迢迢歸路自東藩序入懸符望國門島水三重
滄浪跡汨羅千古悵忠魂清尊異地明蒲玉練
纓高堂憶壽萱更上層城舒遠抱青山是處白
雲屯

雨發車輦

雨覆金池翻白鷺雲籠絮帽掩青螺垂紅百尺
凌懸澗一夜新流欲卧波

棘城望海

歸路不由洞仙乃經此
雄城百雉憶巍巍剪棘披荆荷戰戈野樹栖雞

聞白盡幽花啼鵲墮青莎徒誇遠畧馳溪渤漫
侈軍容列鵲鵲千載勞勞興廢事河山無恙月
明多

留贈表司諱叔度

父子才堪賓客言彭渠傳述意彌敦時修臧貢
來王會共沐恩光向帝閣

留贈朴司諱景瑞

賓主當筵佐獻酬稱名嶺瀾助探幽青山似爾
盤桓意來往相隨到義州

贈竹溪李司諱

溪流澹澹瀉晴空修竹娟娟托晚風為咏幽栖
會心處遇君他日話相逢

贈竹牖南司諱

翠篠成叢牖下滋月明青厓影爰差道然似共
山花笑醉向春風解籜時

山中獨僧

白石如盤藉綠苔幽花種桂傍溪開山僧不是
看花客偶向溪邊洗鉢來

題陳倪兩張前輩贈和尹書詩卷

百年意氣存風雅萬里交情尚簡編觀面已期
留不朽貽謀今果見繩前庭槐結屈冰霜古書
帶歲幾雨露偏盛事追思永乘遠情含雲樹對
江天

迴紋詩

妍芳景屬賞春先鬱攬時催馬策鞭連接樹光
雲吐岫繞迴山色水平川眠鷗白處橫舟釣墜
日紅生晚吹烟年似畫長送曠野芊芊草合望

村前 春日

中天曉露湛芳葉領引瞻雲紫極宮馳鼻玉嘶
郊艸綠酒尊金映燭花紅攏簾點落春泥燕漱
浦融消雪跡鴻同與狎鷗羣泛泛風帆一棹舉

江東 鄉思

遊遠恣宜清整潤舫輕兒在美鱸尊鳩鳴隱龍
栖禾麥鳳舞歸林合竹梧洲曲遠流江派遠嶺
西飛出月輪孤枕奇足適凝眸望愁客消來移
畫圖 遊興

占重卜卦易朝昏屈指從前憶怨思瞻免映絲
千柳岸燕鶯歲歲樹萬花村簾重獨我陪香篆酌
舉同誰共酒尊奩鏡對傭心體倦添愁悶處啟
窓軒 閒情

枯榮幾問借筇扶熱藥丹期定有無孤興野如
清露玉逸懷真若湛冰壺紅衫舞影驚鴻戲度
曲簫聲引鳳雛鬢髮映燈明月皎呼歌間奏雜
笙竽 醺飲

悠悠任興寄遶遊覽晚吟餘嘆阻脩留滯客遠
關遠塞遙搖帆影島橫洲抽芽蕨綠羹杯滿聚
蟪蛄香玉盞浮謀醉得登頻恆意樓虛啓納景
清幽 登樓

拆字詩
幣 壽 樹 暘 日 峯

禁 步 虎 生 臥 茸

雨灑平時樹色濃 斜陽半出小山峯
開襟散步無思慮 獨坐谿頭細草茸

燈燈對途親明

烟霧亡宜罇

燈火微明古木付
輕烟薄霧空中盡
長途又見月當門
到此偏宜酒滿罇

冰水岸時眠

首園夫方屋然

冰開水濶岸頭平
回首小園春去日
柳絲長時月倍明
遠方耳畔不聞鶯

雨分泥聞唱櫓

春禿倚園香晒

紅雨紛紛化作泥
一春孤枕人長倚
空聞三唱隔林雞
寶篆香微日隱西

海日水照江清

望舟興綸手鯨

海偏紅日斷雲橫
到處小舟可乘興
返照長江一水清
望綸大手釣長鯨

風雨沙却春龍

草生度天平月

微風細雨水連沙
短草半生坡上土
少却三春紅白花
長天雲散月鉤斜

亭出山高留

山人簾鳳血點秋

危亭高出小山頭
吹斷玉簫鳴鳳曲
但到亭中半日留
全無一點上心愁

磬雨段煙林穿

關口重想尊

天外長峰帶斷霞
重關遠別三千里
淡煙一抹少人家
空想閑尊對落花

釣水寒月當酒

簪山色須我鷗

垂釣入水可橫舟
倒影四圍山色裏
片月當空酒似油
直須添我傍輕鷗

壺 更 黑 燈 明

煙 懷 親 添 海 北 門

壺中涌水過三更 半點殘燈掩不明 欽枕長懷親白首 天涯海角夢難成

亭 亭 羅 錦 思 怨

回 來 事 山 館 待

短長亭子共差我 顛倒心思悶轉多 白日坐來無一事 半山安館待如何

奉使稿

六十二

城 津 城 指 還 行

嶺 州 鹿 山 花 輕

長城漸遠又開城 屈指還方半月行

高嶺草肥塵土少 空山花簇小車輕

前輩皇華集中問有為二體詩者長途

多暇遂亦寓思偶成之非云以文為戲僅

同無所用心焉耳西峒柳君亦為和章曰

并存之于右 之蕃識 終

奉使朝鮮稿 江左朱之蕃著

鎮江堡卧病憶朝鮮遊歷

風雨長途力易疲 經旬伏枕笑支離 異邦寢食應難習 千里歸程計轉遲 碧澗迴環鳴石齒 青山深歷點花枝 月餘總屬遊仙夢 別後如思未覺時

遊鳳凰山

參差鳳羽插奇峯 跨礪緣泉路幾重 一竇雄關支石墜 千尋斷壑削雲封 病餘狂客飛觴懶 定後枯禪貝梵慵 天假微晴爾勝賞 催歸靈雨響深松

奉使稿

六十三

蕭豐原故齋

名山偏入選幽深 斗室依然枕翠岑 雞足蓮池尋法侶 象鳴鳥語絕哀音

燈微塵暗舊函經 鶴夢何年得更惺 乘化不須留半偈 種松常傍小牕青

目態臺為王鶴亭賦

削成熊耳聳雙峯 望入崇臺紫翠重 竹樹千林

削成熊耳聳雙峯 望入崇臺紫翠重 竹樹千林

分秀色雲霞萬頃盪吟胸
醅香牀甕招深酌
琴抱溪橋候短筇
交影微花明月夜
鸞笙緱嶺想追從

洗心亭

玄心獨抱本無塵
更鑿溪流助日新
手掬清冷甘玉醴
眸凝活躍沫金鱗
虛涵月魄瓊瓏境
滿印花光浩蕩春
觴詠不須修禊事
澄淵靜對得天真

兩君子亭為萬鍾華賦

奉使稿

六古

栽蓮種竹繞迴塘
為愛清芬媚畫長
露蓋翻風鳴佩玉
烟梢拂雨洗新粧
旋烹笋脯供筒勸
更雪冰絲泛蟻觴
縱涉渭川登大華
何如高枕水雲鄉

謝牟東別駕

康樂幽懷耽物外
東山夙望繫蒼生
千秋繩武稱兼擅
一局埤菴屢更賦
就雲凌探筆健飲
餘川吸易杯傾回
看燭火成消歇
片月冰壺炯自清

佟園古松歌

停驂向名園
坐石憩古松
植地欣得所
歲久滋豐茸
雲濤露鬣種
種露清景龍
騰虬蟄未足
摸竒容靈根
甕抱茯苓長
仙液鍾凝琥珀
濃免絲飛去山
四塞女蘿附
慶翠千重層
紀大椿年共永散
如樗社調應同
我來訪柯齒
葉披其根恍如故
老久客歡相逢
歲寒獨抱堅貞心
海甸幸避斧斤鋒
逍遙扶疎自取適
遠辭漢時迤秦封
吮毫舒素寫古貌
歸來誇示江之東
手種十圍不可待
何如懸此屋壁
颯颯生松風

奉使稿

六古

張雲洲方伯楊誠齋總戎同游千山祖越寺
古寺幽探借石牀
空山急雨夜淋漓
浪醉眠忽覺雞聲
午病起難支酒力
強閣繞峯巒依絕壁
步穿巖洞接崇岡
班荆啜茗成清賞
好鳥頻啼似勸觴

龍泉寺品泉

幽巖千疊隱山龍
一脉靈泉瀉玉淙
夜嘯蘚封凌曲磴
根穿石隙老孤松
漱餘醴解寒侵齒
濯

罷塵消淨鑑容灑落林梢傳澗壑疑鳴新佩奏笙鏞

張雲洲邀飲韓園主人選齊仕寬莫泰成

微歌載酒得芳園暫浣塵容一避喧白日朱門
亭館靜薰風湛露艾荷翻首山秀色當簷出大
谷梨陰蔽畝繁獨醒主人偏醉客綸巾倒著尚
留髭

仙人臺曉望

縹緲仙臺插碧霄望如咫尺路仍遙
雲光吞吐

李使稿

李元

迷鷺馭天籟飄飄散風簫丹熱竈留含紫氣藥
滋雨過長靈苗殘碁欲看無飛步翹蕭松喬不
可招

留別張楊兩公

十日平原醉德深聯鑣選勝登臨冒將山雨
凌蒼靄酌向巖泉俯碧潯曲度吳歛幽鳥和襟
披薜徑野花侵朝來新霽增游興坐嘯行吟寄
素心

謝太涵年兄郝星湖參知雨中同游北鎮廟

雨積雲深夏似秋閒鋤翠阻追遊尊移危石
虛樓上步入喬松古殿頭薜蘿如林昭祀典山
城安堵藉神休醉眸暝色遙回首彷彿烟波萬
頃浮

寧遠李寅城公招飲馬園同太涵晚歸

絲幔高張舊曲欄卽厨絲繹薦珍盤故知屈指
誰同健醇醴沾襟飲倍寬野實交加陰鬱茂夷
歌雜選舞踴跚惟憐片月流松頂清景娛人入
夜闌

李使稿

李元

謝年伯母節壽

為婦代子養鶴髮娛康居為母代父教鳳翽翔
天衢嗟哉母一身百苦恒與俱晨興操井臼寒
燈照辟蠶殫力供甘旨藥物時復需孝盡得姑
憐子視更無殊撫此膝前孫冀成用世儒勞愛
匪姑息身範嚴端超幽巖跡以奮祿養臻亨途
苦節達九閭寵褒錫鸞書風木痛靡定閨帷昭
令模子賢母德微翼常藉永扶

漱芳軒為趙用吾中丞賦

元臣緩帶靖邊陲，小軒楹恣賞奇手藝名香。
緇古帙神交往往，拾見當時壺觴不數公孫閣咳。
唾都成慶曆詩，竟日飲醺，聽入幕欣看玉樹發南枝。

寧遠湯泉

春游無柰着先鞭，暑月迴車向沸泉。項樞波
滋穡事萬山排浪接，胡天明珠乳湧蛟龍窟靈
液常浮寶玉烟，盡滌維塵空倦客，虛簷對酒意
悠然。

李使稿

六八

飲馬鑑石觀察園亭同赴楊叅戎招游表海
亭

梓里情親接席中，芝蘭臭味本來同。頻傾綠蟻
酣蔬圃更躡丹梯，叩梵宮海滋潮生山隔岸峰
巔雲斷日浮空，大觀未厭憑高意，城柝遙笳動
曉風。

荔美山房為馬鑑石賦

閒園寄靜觀藝蔬話老圃，桔槔罷灌溉中夜得
甘雨。胡豈已收莢菜甲，初茁土青青欣與瓠旋。

摘供鱗鮓誰知鎖鑰身，碩樂烟霞伍澄懷運壯
籌。祗席安驅圍何必，耽隱名枯槁遯巖叢。

題射獵圖

于畋寓戎事乘時舉，春蒐材官競長技。玉勒黃
金鞵，戲圍自原隰。分隊馳騁走犬奮捷足，臂
鷹噬餓喉壑谷冰初解。碧艸淺以柔，不能藏狐
兔。馬逐麋與鹿，繁星散矢鏃急雨。森戈矛，角
力告殫。毛血灑道周，雉雉鉞文羽。老麋落丹旂，
栖息任年華。須臾登矧，饒川陸稗獻珍，口食嗟

李使稿

六十九

自求喉爾強見摧殺機，動仇讐展圖三嘆息。吃
墨明燈，算誓從海上翁相忘狎羣鷗。

入關志感

春度關門夏杪回，重江複嶺幾懷開。全遼樂土
多頽壁，屬國聲華付炬灰。路出胡沙羣虎豹，時
過梅雨漲塵埃。皇皇裝旅盈邊鄙，萬里安攘仗
異材。

角山寺望海

攀登紆綬走鐘聽，坐撫雄關享輯寧。琪樹雲連

重莫實靈米龍獻吐清冷山頭雉堞分中外海面鯨波變紫青斜日深林綠嶺路天風萬里酒初醒

重游觀海亭

拂袂長風暑氣捐關山雄峙入無邊飛濤怒捲沙間雪宿霧平屯水底天咫尺波光來萬里浮漚世界信三千已拚頽玉償佳勝更有漁舫薦海鮮

遊孤竹城遇雨

李東陽

興

十一

孤竹清風自古今言尋遺廟登臨看山高峙當年節灤水澄涵世外心香薦蕨薇宜野客青回壠畝得甘霖憫農無暇思行役愁見殘陽射遠岑

自孤竹城同周益我年兄泛舟歸

中流孤嶼掩荒城雨過移舟細浪生祀典獨垂當代重豐碑猶勒古賢名魚收集網供携酒雲散羣峰各弄晴誰道榆關砂磧滿恍然江漢接澄清

題九如圖

長松古柏更岡陵岳峙川流景色媚碧漢雲霞瞻縹緲青霄日月玩升恒經林杖啄蒼苔峰缺枕窻含翠嶺層巒案共耽衡泌樂盈堦蘭玉露華凝

樊壽圖為周益我賦

蟠苑經實映萱花座挹祥光泛紫霞林壑朝昏宜鶴製海天來往駐雲車鶯啼深處門垂柳綠夢醒時地種衣粵嶺秦關馳祝頌年齡恩澤共無涯

李東陽

興

十一

尤紹菴總戎迂飲荷池宛在亭

百戰功成社稷臣為抒玄筆紀奇勲十年鴈塞交情藉九夏荷池飲興新威重在山嚴虎豹名高當閣畫麒麟遍觀壁壘軍容壯緩帶雄談意氣真

三屯鎮城之南景忠山最為峭拔上有聖母宮規隘基址少保尤公繼先不取香燭錫鉢以充幕府費乃從衆願鼎新之暮奉使朝鮮

歸遠展謁尤公屬紀其事因系以詩

四山環翠接雄城更擁高峯切太清靈境岩光
來玉節珠宮焜耀駐雲軒千盤登陟瞻依肅萬
姓奔趨祀享誠共藉旌幢舒指顧祥烟直欲拱
神京

壺天高隱詩有序

三槐劉君以文行馳聲薊北數奇不信力田
好施泊然無求於世也顧少因侍親延醫遂
得異人指授預徵休咎立起沉疴君雖不欲

以此自役而遠適俞然爭赴焉紹菴尤少保
往歲感疾客途經旬不食君望見顏色即曰
無恙一加診視且謂

詔用有期既而恙如君言鎮薊十年舉宅荷
君生全而一見亟去恐有人囑以關說者即
歲時餽遺亦謝却曰饒粥粗俸餘粟且推以
及人良無所用之非自為潔以近名也暮聞
尤公所稱述乃賦詩紀其實將藉以為贊述
君之廬而親挹其高風云

達人抗素志玩世亦濟世紆紫謁金閭散髮裁
荷芟乘遇隨時任所之身世超然忘物累燕趙
慷慨舊有聲薊北人豪獨高致萬卷讀破璞未
剖金臺空築遺良驥養親樂復樂親疾愁且悻
孝感神術授彈丸青囊秘妙解應知異世傳靈
襟况復包玄思刀圭聊試得痊安福福了然識
先至閉目袖手默無言絕技驚人戒多事奴耕
婢織可自給周乏賑饑非市義笑指蘆廬天地
寬高卧壺中體鬼閒三槐植庭蔭日茂還看春
雨茁芝蘭關西元戎交誼久當年身倚回天手
高士稱君天下奇以言屬贈吾何有活人食報
起高門君不貢報報歸君預占堂下三槐秀定
續燕山五桂芬

劉健菴中丞郊飲

水鑑高瞻絕代名保釐功懋莫邊城招邀狂客
車虛左太息時艱席屢更畎畝望懸霖雨切峯
巒喜接暮雲平吳歆莫按停鏡吹一接雄談百
斗傾

賈春宇司馬招飲

未老懸車陸海仙，雲耕月釣枕風眠。
折衝方試殘龍劍，軒翥欣看起象賢。
歲月馳駒供嘯傲，春溫溢座接玄言。
波瀾漫湧人間口，勘破繩簧閱大年。

游蓮化湯泉

沸流湧地繞虛堂，鑑徹深淵吐夜光。
色映驕陽鎔冶躍，鳴穿花徑暗琴張。
沾襟荷芰薰新浴，留客茶瓜醉晚涼。
讀罷冷腸宮怨句，惟宜漱石洗

詩賜

盤山道中

羣山如合徑穿幽，百折猶難望嶺頭。
鳥樂菁林山菓熟，客停飛旆野泉流。
綠陰遮屋渾忘暑，白叟歌田不解愁。
極目雄關環帝闕，勤將叱馭謁宸旒。

盤山龍池

神龍隱見良不測，偶睡關山絕壁泉。
餘漚冷澌行旅悅，河湏施雨遍遙天。

沙嶺和壁間許觀察韻

支筇凌陡絕，翹首望神京。
谷應鳴蟬急，風經塞樹清。
塵容慙嶺色，嘶馬亂泉聲。
何得乘明月，來調鶴背笙。

大嶺望平谷

平臨赤日行無盡，回顧蒼巒勢轉崑。
寒谷久從吹律變，炎歊偏趁策輶來。

將軍石

支撐霄漢履危沾，石丈峰頭動仰瞻。
耿介當風猶赴赴，辛勤沐雨自巖巖。

本原

壬午

猶赴赴辛勤，沐雨自巖巖。
羣雄氣奪神偏旺，大樹功成取獨廉。
夜柝不傳烽燧熄，憑高遙見海波恬。

塞理菴制臺夜飲城南樓

一雨送新秋，千峯爽氣浮。
呼燈尋古渡，張樂待岑樓。
握手垂青眼，論心任白頭。
觴飛渾不厭，遽莫盡更籌。

大雅傳河曲，冰壺湛海天。
保釐南國重，鎖鑰北門專。
綏帶操多美，長纓繫左賢。
老成膺側席，巨

船濟洪川

塞理翁招游北極臺

傑閣枕崇阿披襟涼思多雄關供騁望劇飲待
徵歌暮靄橫孤戍新流湧漫波從教歸騎促撫
檻醉明河

卧向東山穩思承紫極隆重臨紆豹畧千里振
雄風談笑胡沙淨聲歌郅調工浮塵難暗積龍
劍倚崕峒

附雜著

文殊菩薩贊

神智照徹遍滿大千吼獅震世覺乃人天空月
湛若海波澄然慈濟慧汪一滌塵緣國藉寶光
永味壽宣稽首皈依肅濁證玄

關公贊

嗟呼荆襄漢沔公所經營萬許河洛公所馳情
豈孤懸之遠左爰戾止乎雲輶惟熙朝之崇祀
恒默佑夫天兵疆圉猛士投軀飯誠顧瞻義烈
冀裴英風底茂績於安攘戴明神之炳靈

尤大將軍贊

肅肅威嚴望之起欽坦坦真誠即之可親早歲
登壇闢西久馳乎令譽光能益壯蜀北更震夫
英聲嗟大真與免撥音挫折於鋒稜惟推心以
置腹致異族之投誠剪彼爪牙壯我干旌勝筭
獨握奇功竟成荆惠澤之周溥賑凋瘵以更生
勸俗同歆乎倫紀繩惡克慎乎祥刑十載恩威
千古令名永戴靡忘瞻此德容

無言禪師贊

西山碧雲吟乃玄機東土普慈禮此芝眉噫此
非無言師也耶無言有相無相非言言真相幻
相觀言傳九我皈依者出悟諸相非相之外而
求諸言不言之間耶

大安禪師贊

此僧伽者相非像耶應世隨緣水月鏡花尋跡
捕影爐鉢袈裟佛性如如禪心兀兀一絲不挂
本來具足善續宗風老尚谷索其無相而毋徒
縛于傳述也耶

朝鮮重修明倫堂記

蓋聞倫紀萬世不易而治亂安危其轉幹需人至亟也故存亡舉息之機厄父惓惓以振弱魯而以達德行達道在設誠以擇執之此論治力學之要領修身立政之標的不以中外古今少有間焉隨時課效易地咸宜申公所謂願力行何如耳史蕃奉 上使命輟轅東邦入其疆見民俗雍容遜遜惟畔讀之為兢兢與賢士大夫日相揖讓周旋彬彬乎質有其文既見邦君敬慎秉度其尊 主之忠忱由衷之感戴有溢于言表者退而延賓盡禮靡怠左右贊佐執事有恪所稱冀聖遺化穆然可以深思而漸被我列聖之德教良有徵驗茲至國之三日敬謁先師廟庭既而登明倫堂六館師弟子以次相接雅飭謹馴宜才賢之生依稀鄒魯矣碩瞻堂構皆新建者詢知往燬于島夷近乃始拮据興創云目所觀記邦君之居茂革瓦礫未暇除去而遑遑汲汲惟 聖靈之莫安廟貌之孔修東

國君臣得先務矣然緬思曩昔天心降罰倭奴獲逞燎原難撲防海失籌雖云定數人事不無咎焉今幾幸 主上威靈復有寧宇君臣父子夫婦兄弟朋友得相聚守如故德往虞來舍力學這時取人立政寧更有他道哉仰追夾谷之會却萊夷增魯重聖人豈以軍旅未學專文事而忘武備吾黨可以深長思矣仁義為千禧忠信為甲冑親上死長之志固結於平時而先事預防之策綢繆其桑土豈以土地人民依然無恙遂緩視政事而不予倫常之計早見慎圖之也耶先罷識後文藝哲士之高標也羅真才收實用國家之長策也諸君試思爾邦君百務未遑首先建學作人之至意而旦夕朋友講習間必期身修以教于家慈孝友恭唱隨之誼必如之何而後可以施于有政師所以教弟子所以學必如之何而後可以明愚強弱以踐履于達道而示法于周行拔茅彙征之日必如之何而後勿以家修者壞于廷舉邦政而振飭巨輔之

庶幾斯堂之設不徒存文教之故宇且煥一邦
之壯觀而貽子孫黎民之利于永永無替矣史
蕃久處賢序奉父師之訓以周旋不敢忽且隋
于日用庸常之理茲諄叨 任使亦懇款視東
人為一體固或有間焉登斯堂與諸師弟子相
晤對因書堂額屬予有言紀其光復之事蕃不
敏輒叙述 遺訓一申其旨期與東人篤意倫
常勿忘外侮敦由已及人之念宣久安長治之
猷俾國運與輪奐而同新邦基階堦地而永奠
紆我 聖帝東顧之憂豈不自今伊始也哉人
倫明于上小民親於下修其孝弟忠信可使制
挺以捷堅利孟氏之言豈其欺我是在諸師弟
子實式圖之

題陽川世稿

蕃于役東藩與一時名賢唱和最衆許氏兄弟
箴與筠俱在列周旋既久乃出其先世所著曾
高以來彙稿將附以父擘允箴及其妹氏遺稿
世彌遠家彌昌文名彌振真稱吉祥善事哉世

濟其美寧惟一家善慶流遠源長將東國中興
之業實式賴之忠貞世篤多士寔寧文章固不
朽之盛事令名尤繼述之遠圖碩瞻祖德益堅
繩武之思保惜門風更深弗類之懼豈非許之
先人永貽于今日而默禱於來茲者哉其官品
世系具集中不暇祥述姑識二君箕裘雅志而
期其世守無斁云

祭李仰城祠

豪傑挺生川岳儲精屹稱保障萬里長城存則
國棟歸為列星有畫幻軀靡窮令名憶昔震鄰
狡倭憑陵帝屢東顧授鉞專征誓師鴨綠光耀
旌旄所至克捷藩邦更生教從風靡竄鼠奔鯨

旗持危定傾七擒比烈百世頌功洋

凡欽威望緬懷英靈

髮髯生平神也

祭箕子墓

自道統垂世君臣植經有能關心法以傳後殫
忠貞以報國善政教以宜民者各得其一亦足
光祖豆而昭祀于千古矧兼三者而躬脩之若
箕聖之鴻謨遠烈豈不與宇宙相為不泯而東
邦之親被其澤者其奉冠履之歲有不彌久而
彌篤乎之暮有年于月之朔辰止肅部將

命靡遑歸乃瞻拜于宇下仰內鄰志之仁風
則惕然起致身酬國之思邇九疇授聖之格言

本傳第

則慄然切視身輔世之惧觀八條并牧之遺化
則泃然興純素簡約之懷所謂聞風百世之下
想見百世之上于茲益信矣良心恒存德音匪
遐南東各天萬里對越真有厚幸稱良遵孔肅
陳衷言仰播微悃神其鑒格牖此顯蒙

蘭雪齋詩集小引

蘭房之秀擷英吐華亦天地山川之所鍾靈不
容強亦不容遏也漢曹大家成獻史以紹家聲
唐徐賢妃諫征伐以勸英主皆丈夫所難能而
一女子辦之良足千古矣即彤管遺編所載不
可縷數乃慧性靈襟不可泯滅則均焉即嘲風
咏月何可盡廢以今觀於許氏蘭雪齋集又飄
飄乎塵垢之外秀而不靡汁而有骨遊仙諸作
更屬當家想其本質乃變成飛瓊之流亞偶謫
海邦去蓬壺瑤島不過隔衣帶水玉樓一成鸞書
旋石斷行殘墨皆成珠玉落在人間永充玄寶
又豈叔真易安輩悲吟苦思以寫其不平之衷
而縱為兒女子之嘻笑擊感者哉許門多才昆
弟皆以文學重於東國以手足之誼輯其稿之
僅存者以傳予得寓目輒題數語而歸之觀斯
集當知予言之匪謬也

遼東新修路河記

萬曆丙午春仲蕃承 使命頌

恩詔于朝鮮道出山海關歷遼陽始得渡島綠
而竣事焉關以外徑與虜接墩臺守望雖鱗
次櫛比而柳柵沙溝衝突竊發每為行旅患
然原野平曠可馳而為趨避也惟自廣寧抵
三岔河外逼虜穴僅二三里遠者亦不能十
里而地復沮洳時冰初解馬腹每沒泥淖中
訊之土人當暑雨時溢漚為巨浸土田不可

奉使稿

興

畊行旅不能通共患苦之為日久矣比于役
歸預憂行路之難至則崇垣屹若驅車直經
其上而下撫河流環遶垣外回顧沮洳已茂
鬱葱菁化而為禾黍之場彌望無際不知其
為隴畝者當以幾千萬計矣時與將吏有事
于脩築者相連接乃脩閘其顛末欣然為文
以紀懋功蓋自海運未罷時鎮武平陽西興
西平西寧五堡間舊有路河受三岔之水而
南達于海外足禦虜內可洩滯陸通車馬水

利海艘遼陽之至便計也故跡久湮艱于脩
復工繁費廣徘徊顧慮而計畫無復之耳撫
院趙公總戎李公同心合德感額隱憂秉數
年威嚴順治之暇議大舉脩築按院康公巡
道郝公儲部謝公偕總戎公相度籌策奮挿
聲興于乙己之冬寒沍暫輟今年春乃檄同
知王邦才督鎮武以東通判孫如汕繼創議
通判張承祚初委經歷周三聘之後督鎮武
以西議調軍夫增月餉建橋閘疏河渠計丈
尺嚴給散井井條悉而三道張公楊公馬公
及參遊以下各協力分勞役工僅三萬費鉅
僅數千金而二百里遂成沃野水歸故道順
流注海舟航可通馳驅堤上者無復濡足塞
黨之苦且河深丈餘濶幾三丈堤高一丈基
二丈頂濶半之即胡騎生心亦當勢阻而氣
奪矣夫事之興有會謀之成在人長城築而
天險完金城濶上屯田而兵食足今茲一舉
而三利兼收農者安于棲被行者游乎坦夷

奉使稿

興

守者據其高深豈非安壤之遠畧而久遠之
鴻圖也歟矧繼今以往推行已試良法而漸
次脩舉俾孤懸一線之境延袤相屬尤稱百
世之利萬全之謀而廣寧其始基之矣是役
也催督防護各殫厥勞者副將吳希漢參將
趙紳遊擊佟鶴年崔吉張昌胤伊天爵塗寬
李繼武唐伯美趙之牧中軍魏將大守備寧
國備禦孫守印經歷許茂椿勞不可泯當
並載焉撫院趙公名楫京師人總戎寧遠伯

奉使稿

李公名成梁鐵嶺人部道謝公名存仁祁門
人郝公名大猷邯鄲人楊公名位汝寧人張
公名中鴻滕縣人馬公名拯武定人

少保尤總戎生祠記

古稱民心至愚而神以其是非之公聖人不能
易而恩怨之實死生不可移也善馭民者必畏
民始能愛民始能得民今與古人情豈相戾哉
文武分途制兵多以嚴勝甚且岐軍民而兩視
之奚怪民心亦若秦越人而怨其不我恤也史
著秦使命諭朝鮮往返所經皆軍民錯處關
隘險要之區戎事未見盡飭而生計大屬蕭條
竊抱隱憂深思良將歸途抵三屯驛駭見富庶
之風比邇郊閭父老數十百人遞道投一編同
詞科十年來恃總鎮尤公生全我小民保有家
室業已建祠肖像祝禱祈福以明報德不忘之
意碩慮不紀貞珉曷示永久願行旌旌圖之以
慰衆志之惓惓予復嘉其真切踴躍感極而繼
之以泣也矧公與蕃以文字訂交者久其何敢
辭公諱繼先字克孝別號紹菴世為榆林人父
雙喻公月起家陣戰累拜叅戎公習見勇敢性
稟忠義少即以功名自許提戈躍馬血戰奏功

父子咸以善戰擅閭閻金瘡遍體夷虜知名
公之功其最著者在平荊控二川桀苗遜避位
濟元戎勲銘彝鼎茲起自家居授鉞鎮荊南下
車即痛念武備之卑弱竊情之成風悉心區畫
極力倡導條上十事以振剔積弊而嚴斥壘峴
探之防明騎射精強之教凡隸麾下咸知嚮往碩
柔脆之衆難禦虎狼以夷攻夷乃古教之身試
者治撫夷丁漸次鱗集推心置腹恩結法嚴安
處得其地閭閻無毫髮擾者薊往中虞無有一
矢相加遺及公之身而始戰捷于紅草溝誠獲
甚衆殊

錫寵褒邊關生色至其過徵稅之烈焰罷蘆嶺
之委官包喜峰平房之謂額商旅農民獨免毒
害歲事不登憂荒惠熟公擒治專利之換手俾
軍民得挾貨易米復出官部糴萬石于山東竟
拯流離餓莩之厄復開墾近邊腴地百餘頃得
粟十七百斛以贍夷丁而周貧乏鋤治窩訪之
渠

夷虜之六傳而翼虎屏迹訓束入貢之屬
夷而橫索頃省禁約牧馬之軍丁而踐踏罔加
又皆公之意篤撫綏而慮周祛害者宜此庶民
家誦人祝之不能忘而尤欲得信史之筆以揚
弘業而詔來茲也然以蕃觀公則忠孝大節廉
智令猷有一腔心事照之天日格乎人心而堅
不可拂遏之彌揚者抵掌立談款會悉剖赤心
許國百折不回此其建功樹德之本百姓所日
游沐其天而不及察者乎過公祠下觀此實紀
公之令人敬仰愛戴當有贊之口碑無少間而
貽邊鎮之軌範于無窮者豈徒述顯績慰民願
云爾哉

東方和音

朝洋國議政府左贊成柳根著

渡鴨綠江

兩岸鏡筵殷翠屏天仙擘詔下東溟山川已豁
烟塵黑雨露新雷草樹青一死未能輸寸效再
生真是荷皇靈恩波正似江流闊見說文星是
福星

詔至義州值雷雨

包胥當日叩重關再造三韓海外藩曲被恩私
偏感激敢嫌章奏太頻繁尋常冰骨如天澤咫尺殊音隔水村雷雨隨車非異事大鵬元是北溟鯤

聚勝亭曉發

咫尺封疆限登臨感慨惜皇恩何以報海岱向
來清野館春花落江城曙月明遐氓瞻紫氣縹緲指東行

箭門嶺小叉嶺

春光淡蕩眼生花度嶺緣崖石磴斜松鶴山高
却相對不知身在海東涯

赴所串館

天降泥書眷我東芝車玉帶袂袍紅詩成倚馬
冲霄鶴筆為籠鵝戲海鴻共說儒仙真伯仲從
知神劔有雌雄滄溟滿地恩波闊虎拜山呼意
未窮

古鎮江

春天雲物媚晴江四面青山不肯降追逐芝車
渡橋去鏡中安得泛輕艤

良策館

三復瑤篇古意深盛唐風格軼高岑晴川芳草
驚人語白壁黃金愛士心元禮門前欣得御鍾
期琴裏托知音祇應慕德形歌詠不是傷春費
苦吟

車輦館繡松

蒼髯翠蓋環山足見說螭龍地底伏其中古幹
最蜿蜒豈是於天受命獨嵯峨能教苦心死竿
籟不復清風穆無乃變化騰雲去尚留新松滿
山谷仍悲爾生未得所何似青山伴白鹿若不

托根官道傍古今難進八如玉

蟠松絕句

翠蓋蒼髯久擅奇蟄龍雖在已無枝欲將嘉樹
重封植恐負甘棠勿剪詩

過東林古城

三韓地幾合離鐵山廢郭在郡北地荒路僻見
者稀東林古城石參差舊基蓋八居民犁翰林
學士倪先生曾留一絕經過時指此為鐵山此
說起伊誰天仙今到此停輿臨路歧為寫便面

奉使稿

〇九十二

數百字宛若杜陵紀行詩譯者不能徵古蹟此
是東林非所疑聖代聲教極東漸誰言帝力民
不知龍蛇須遭患再造仗天成不比適鶴歸來
日城郭猶是人民非林畔東林地三月花滿枝
鳳質龍章曾未覩興衰羽騎來相隨沿途物色
樞牢籠玉塵揮時頻解頤惟茲廢址不見遺一
草一木皆品題金蓮琳琅勢橫斜長篇短句語
屈奇重之我東億萬年海月有虧名不虧維屏
維翰衛神京長祝四時浩浩薰風吹

猥蒙不鄙惠既惠珍章又辱珍貺盛恩則深

懷璧是懼自昔天朝大君子之至於斯也迎
候之臣有唱或和而上國沿路所作未敢攀
和今茲盛眷實所罕聞不揆荒陋輒和扇頭

暮春十七日詩韻少致區區景仰之意云爾

瑞錦絢麟紅芝函出禁中承顏經幾日便面播
仁風一代文章伯全家道氣潔殊恩頒下國大
慶在前冬敢道知音賞叨逢斷鼻工使星明左
海卿月耀層空營策篇篇玉飛騰字字龍平生

奉使稿

〇九十三

慕絕學快觀武夷峯

伏奉和章再三莊誦謹綴燕司用表感幸之
懷仰希郢正

花待兩仙紅溪山錦繡中一家今四海千里本
同風北極丹書煥東來紫氣濃乘槎疑八月積
學富三冬物色留偏少吟哦向未工金聲驚擲
地硬語覺橫空天上張公子雲間陸士龍人生
貴知己誰對九疑峯

屢奉辱贈至蒙獎誘感愧俱極謹用前韻略

紆謝忱伏希電覽

西日漏雲紅烟光澹蕩中聯章驚白壁執熱濯
清風草木如相喜山河望轉濃萬方皆用夏四
亭若無冬德澤能覃被生成是化工鳳毛開五
色驥足騁長空自笑初翔鷄相追上下龍陽春
不可和徒仰紫霄峯

復疊前韻塵穢藻鑑昨者迎慰之宴猥蒙辱
賜以言感實在中情見于辭

春宵燭焰紅公譙畫堂中灑々杯心酒照々座

奉使稿

九十四

上風仙凡路雖隔賓主意俱濃昔在朝天日初
從丙子冬三呼同萬國再造出羣工蛙井宵偏
豁鴻泥迹便空異人擎紫綉瑞氣繞銅龍請祝
無疆壽南山千萬峯

宿林畔館賦孤松

孤峯秀出四圍屏翠蓋還疑一草亭五月寒聲
留野客半空疎影度林洞片言猥荷封韓樹博
識何須問楚萍冬夏青々常獨立後凋能閱幾

周星

經東路河

河之左右舊有荒野民不耕而食頃日鑿渠灌水民
蒙其利及之

鑿得淄青野穿成鄭白河為此從古少蒙利到
今多天意存生意人和在氣和耕田由帝力樹
藝及南訛

金孝女故閭

有母方有女欲孝理之常各自有其身天性乃
惜亡母病女之罪日夜號彼蒼一指何敢愛至
痛迫中腸淋漓骨與血入口便起僵女性本陰
柔女心乃真鋼指雖不若人母體竟安康髮膚

奉使稿

九十五

固有受毀之亦何傷降衷無豐嗇夫豈限遐方
千秋孝女碑屹立官道傍列仙屢式閭故里尚
遺芳祇今寶珠惠倍增泉路光聖代敦孝理海
東流化長公歸好敷奏宸極正垂裳

新安館

簷端翠幙半空分終宴忘疲意已勤拂席舞衫
迴急雪繞梁歌曲過行雲仙曹遠自中朝至天
樂疑從上界聞不有皇恩那得此却將銀燭繼

餘照

達川

剗石通渠水縈紆自起風東南西灌畝三十六
垂紅耕鑿皆天澤豐登即歲功流波終入海極
目思何窮

白峴

霧樹遶峯望漸開前宵微雨洗輕埃世人豈識
雲間事碧落笙簫自去來

岷嶂嶺

前導花駟天畔嘶雲旗展嶺兩山齊居民久已

奉使稿

安耕鑿麥浪搖風滿野畦

李六

麻布川

小山叢桂幾時往玉樹瓊枝日應長一帶清川
繞納清濯纓安得同仙舫

曉星嶺

無數長亭接短亭曉星為嶺拂天星躋攀脅息
愁行旅刻却何由借巨靈

納清亭

望眞逸伴梁丘鳳節聯翩紫氣浮共奉絲綸

宣雨露却從江漢擅風流花明去路迎華蓋柳
拂行塵引絳騶此地溪山亦何幸斲時仙侶為
遲留

齊山亭

青山本偃蹇拱揖如相學對此沉吟久暝色來
不覺雲垂若橫屏雲卷若開幄山容雖娟娟山
骨應嶢嶢何必蠟屐躋其頂不出戶應臨之平
天仙拄笏爽氣多縹緲天末長風輕古稱方丈
在三韓蓬萊仙人悅相見歸時亭畔綠陰濃更

奉使稿

待峯頭月一片

李七

控江亭

春江桃漲猶未生問胡架船長橋成雲濤洶湧
不可行預恐風起芝輪停今來雨師為清塵汀
柳如眠螺髻青水邊供帳何草金罍未薦駝
蹄羹須臾顧盼晚潮上銀山雪屋來層此江
亦是朝宗水極目西海環神京

赤嶺

白云何處是人家赤嶺高不見花安得桃源

從此入川原無數映紅霞

楓川橋

長虹橫渡口夕照翻鴉背何似姑蘇城江楓愁裏對

百祥樓

樓聳層城西北隈暮春晴景故相催褰帷正為群峯出舉網真供一笑開芳草和烟迷極浦澄江如鏡映深杯陪遊半日誠多幸天上神仙倘再來

奉休稿

三清閣

九六

樓東華扁屬初成笙鶴來遊萬古情咳唾忽驚天上落三清剩得十分清

安興館

詩成擊鉢尚嫌遲錯落珊瑚碧樹枝變化雲龍安敢托翩跹笙鶴杳相隨霜鱗入饌銀絲膾竹葉浮春金屈卮莫把恩波比江水江流雖遠豈無涯

新院宅

鑿谷何年草屋閑居人按堵不驚猜種桃莫恨漁舟遠猶幸天仙向此來

長甸帳中午睡

昔雷光祿餉官醢與君羹千里王程遠長隨王節行

漁波嶺

壠麥青青舞穀紋麥秋何日割黃雲晚來風送催詩雨下坂笙簫度嶺間

巖峙川板橋

奉休稿

九十九

忽春光夢裏歸風花亂落撲征帷脩然道上尋詩興正在遙空獨鳥飛

斧山

千里長程掌樣平役民非借鬼傭成子來趨事寧知倦為是天恩欲並生

肅寧館錦香亭

綠陰啼鳥落紅殘芳草長亭斂歌鞍曠野雲生山際暝曲池風送雨餘寒石途物色真難負滿篋書籤未暇攤行得高荷齊水檻酒傾珠露月

中看

肅寧館池上小亭

朝來微雨歇
畫裏列仙遊
彩櫺移蓮葉
香醪澗玉舟
霞紅鳥外落
天碧鏡中浮
萬炬呈芒亂
層城枕翠丘

孟夏朔日午飯安定館

極目烟光接遠郊
一年佳景夏春交
樹陰移入絳簾隙
花片飄沉碧沼坳
彩筆不停鸚鵡賦
翠梧如待鳳凰巢
自慙授簡難藏拙
鉛槧曾從病後拋

大同江

快如仙爪背間搔
句句飛騰語意豪
掠過扁舟夜半鶴
戴來蓬島海中鰲
江神鼓舞笙歌迴
雲磴參差步武高
盛事正須垂不朽
賞心非是為嬉遨

用李穡韻

江上有錦繡山江邊有清泥村故結句及之

彩櫺移輕浪遺蹤問舊樓
江山猶活畫風月幾經秋
正值清和節真成汗漫遊
烟霞開錦繡翠

壁倒澄流

是日歷視井田遺址仍從大同命名畫船曰

飛雲仙舫故篇中及之

天下宗周不復殷箕封鷺俗尚遺汾清江畫舫留笙鶴無限恩波接彩雲

詔入平壤

明星欲落聽晨雞羽騎紛々響月題草色平分青錦障歡聲半雜白銅鞮百神後擁香塵起雙鶴前翔瑞靄迷稽首銘肝偏感戴並生殊渥洽

群黎

快哉亭步許相國韻

每憶新安老長風遡快哉烟霞隔蓬島雪月照瓊盃
四十年前事登臨江上臺清遊今始繼一醉好懷開

渡大同江

衆流奔海會潞潏孤鶴橫江幾掠艇然然遠來松上客
彩船輕壓鏡中天八條琴瑟留冥冥萬里恩波接滄川却恐仙童吹玉笛頭後驚起老

龍眠

生陽館

生陽舊館臨官道移入中和路更長願得銀鈎垂不朽邑人方擬闢生陽

駒峴

兩道界限駒峴徑大同漸遠黃州近宣詔仍須採民誼乘槎復有尋詩興謙虛下士未前聞勝地屢許陪清尊再造三韓有今日千載一時堯舜君海外恒瞻雲五色喜心倒極悲先集嘗

聞魯頌編周雅頌記東民常感德

宿黃州齊安館

一宿齊安館虛簷彩旭生樓高松影入橋穩水流平玉節頻來去青山亦重輕東民歌帝力擊壤鑿魚耕

太虛樓

廣遠樓題改太虛穎陽曾此為躊躇祇今形勝名增重從昔神仙分不疎輦閣迴臨蓬島境鳳綸遙自玉皇居却將雲物供驅使慚愧區區效

起予

簇錦溪

原田錯綉川羅帶草色青袍柳綠絲誰把溪流名簇錦彩虹橫截更添奇

洞仙嶺

巖叢鳥道昔曾開度嶺鏡笳縹緲回洞裏有仙今不見却隨笙鶴半空來

宿洞仙館

路盡峯回聳郡樓天仙到此縱神遊草如茵霞

松如蓋水自流時烟自留片夢由來是蝴蝶前

期何必擬蜉蝣莫言候館臨官道山鳥嚶谷

轉幽

曉赴劔水

翠壁雲開騰彩旭銀鞍前導九花虬人心却似朝宗水萬折東奔入海流

午發劔水

兩岸綠陰相掩映水如羅帶劔為峯却知此境非人世方丈遶來更幾重

西山灘

獨石浮流韻水蒼倒來林影散青琅驅車長路
輕塵起一雨何時借晚涼

車踰嶺

貫穿書五車圓轉九走坂鏗爾韻金石脩然意
清遠得非謝康樂無乃潘安仁飲冰歷關塞攀
詔辭城堙夾路平林蔭藤葛下嶺前驅猶木末
小邦終始荷生成海岱頓覺妖氛豁稽首恒為
祝堯民採俗倘編曹鄩風崑山抵鵲顙取將長

使秀句留天東

宿龍泉館

芳草如烟柳飛雪春去不須悲白髮神仙中人
自天降炯如寒水照秋月適秉銀河槎試觀濠
上魚我有斗酒歲之久何用青絲玉壺酌雙驛
著作承明廬宣尼不陋九夷居野館綠陰駐雲
車縱嶺筇鶴若或來飛廉奔走清前途自憐懷
鉅秋益罪投以木瓜寧非疎金鑒殿上虛講席
爾老安得歸鑑湖

屏風嶺

洋江汀蒲相緯經兩邊松籟送冷冷淡烟微雨
新開畫雲錦高張九疊屏

翠屏山

幾疊逶迤面面齊畫圖新展望都迷蓮花峯作
千重障雪竇泉添一曲溪林影夾差天上下霞
光漱灑玉東西人間自有丹丘勝安得雲松向
此栖

慈秀山

揮灑花牋色映桃波濤卷却入霜毫層崖削出
涵青鏡三島浮來冠紫鰲嵌寶珠分石髓銀
錯烹茗敲松際忽驚慈秀山僧重啼鳥游魚識
鳳毛

玉溜泉

幽竇冷冷滴翠嵐未應盤谷味偏甘瀉為橘葉
千年井匯作桃花幾尺潭細香雜松濤清客耳爽
遺響屑入仙談銀鉤會向蒼崖刻却怕神龍不
力金

峯頭小亭

不似楊伽海上山瑞光何璵玉毫間聚沙為界
本來事刻石成軀自在開一劫謾經塵起滅五
銖誰試彩班欄婆羅雙樹飛花雨空外浮雲一
片頑

漆嶺

石逕欹斜洞壑深西來長路正關心彩雲捲盡
遙山出玉宇鸞簫倘可尋

猪灘

長橋橫截淺深灣烟雨冥濛咫尺間欲泛扁舟

凌浩渺馳輪已過萬重山

吾助川迴瀾石川之上流有瀑布於起句及之

一派銀潢注巨川奔流到此極盤旋橋橫沙步

雲猶濕雨壓林霏露自消勝地不緣當驛路列

仙何得賞風烟迴瀾正愜觀瀾街片石真如砥

柱然

止都

雨

雨來雲散四山遙日夏天高近沈寥晚入松都

亭宇故一川所不須招

高麗宮故址本西晉義熙中廢宮氏的商樓五品官保奉先祀

長空過鳥閱英雄滿月遺墟說故宮庭廢野
看谷變殿留崇義慰神惆雲橋有石通溪
草無花翳棘叢四海一家逢聖代願從
民風

臨津江

滄浪漁子幾爭隈兩岸烟霞活盡閑仙駭乘槎
自霄漢江流入海接登萊金絕倘許留荒壤石

辟終須刻錄寄語魚龍莫相訝波神為迂鳳

麟來

麟來

坡平館

駕得輕車熟路行樂當時曾一顧何得

日千里不待經營驥尾附相傾元在黃氣中

策奚止秦人鞭東坡古碑百世士赤壁清輝今

幾年詩仙通來坡平館異代神交寧限臨

二我其一編衣玄裳入眼平生每惜爾正

平死後少洲才一知音自昔為難遇請公留

意亦雷行

意亦雷行

松都晚發過東坡一宿坡千又此河千載坡仙
難可作向來應是患才多

雙石佛

如來應是幻前身閱盡沙河幾劫塵安得化成
千百億慈悲普濟十方人

惠音嶺

長路追陪欣得御短篇攀和愧知音應知別後

相思夢不在山顛在水滸

碧蹄曉發

丹穴祥禽光陸離銜書忽屆海東涯明皇垂野

運金炬瑞旭騰空射彩旗詠頌萬方緣大慶遭

逢千載幸同時東藩再造紆皇眷從此春臺樂

皞熙

新院弘濟二橋

幾道遙、赴海川草如茵又柳如眠長橋橫截

竹千花乃是松來九天

迎曙時

瑞欲射最高峯烟捲林端近又深處、將迎
燈燭開向陽葵藿放微暉

沙嶺望漢京城

西來沙峴是陽關峽坼崖傾未易攀遙望迎恩
門漸近天威咫尺不違顏

觀漢城迎 詔歡舞塞途

聖函帶日耀層霄咫尺威顏對不遙舉國歡呼
迎漢詔盈街雜劇試齊剽超騰緣索懸趨足投

舞翻身轉舞腰賤迹昔曾朝鳳闕奉天門外悅

聞韶

頒 詔禮成

明時四海擅文章絕代名儒是紫陽手捧螭頭
天上詔口含雞舌殿前香恩深雨露能宣布任

重綵綸好贊襄舉國君臣同拜舞正看初旭轉

曾來

安南別宮

雨露生、荷聖朝歡呼奔走擁臣寮心常拱

誠難喻物不知儀禮豈饒共沐恩波環大地飲
瞻日馭耀重霄百牢未足留嘉客曾是珍羹御
手調

登明倫堂

重闢賢閣絃誦繁提撕何幸荷師門夾持上達
誰先獲曲暢旁通要細論何欲身脩心必正從
知目擊道斯存揭來萃扁觀瞻留與千秋貢
外藩

漢江紀遊

羽旆芝車出漢陽層臺雲幕正高張天浮十島
蒼茫界地幻三吳快樂鄉月轉千林散清影舟
移近渚汴流光瑤篇添却湖山勝不啻新圖到
樂浪

暇日叨陪玉節遊蘭橈直欲下懸頭並生一世
寧非幸雙鳥千秋倘更酬赤壁悅聞風月笛金
陵疑是帝王州却知此會終難再天上颺輪願
少留

漢江觀漁

金鑾殿上青雲客銀燭朝天驄紫陌仙厨御羹
分駘蹄夢斷采石江上磯龍章鳳姿貴王國玉
署春坊方峻陟輟輟花磚視草班早奉却憑東
征軼王城之南漢江流風烟恍惚疑十洲紫泥
宣後選勝遊青銅鏡裏移蘭舟鯨生即席欣得
與漁子撒網爭相舉吾王畝客出至誠將命來
參樞珪組玉尺跳擲有時立小者奔迸大者急
黃帽擎盤薦霜鱗膳夫奏刀碎紅臚霞霏雪落
薄蟬翼正好折微仍剖纖橫流既已盡紫鬣倘
有蜿蜒幽處潛韓公顧鮑鯨魚膾巨網誰試束
南界遐方豈足永今夕正為尊鱸想吳會黃齋
月湧照短篷極目蒼蒼烟水重却將彩筆紀茲
勝莫遣瑤臺清夢空

山雨樓

紫閣浮空木覓山：形如往又如還平臨閣闌
長安陌俯瞰烟霞漢水灣雨後護看千態變樓
前能得幾時間流膏澤物皆天賜欲謝天扉不
可攀

皆春亭

朝來爽氣望中收，坦腹多時慰遠遊。
把筆高吟雲霧，卷書相對意悠悠。
空餘華扁長瞻仰，終負清樽迭獻酬。
喚作皆春知不偶，恩光常向此間留。

蠶頭峯

漢水清遊復此行，登臨亦足暢幽情。
前橫栗島後三角，上有瑤空下一泓。
正欲移舟須月出，還愁解纜值風生。
却留寶墨鑱巖石，仙馭飄然返赤城。

赤城

蒼玉巖

蒼玉形如舞翠虬，羽人相遇是丹丘。
三韓方丈非虛語，海外何曾有九州。

仙遊峯

削出芙蓉縹緲然，壺中別有大羅天。
相望咫尺終難到，安得吹簫竅上顛。

金華島

芳草晴川繞白沙，中流畫舫替仙槎。
長風吹浪

催歸去，不見金波散桂華。

重過迴瀾石仍遇雨

經旬列子御泠風，勝迹還歸一夢中。
節序如流常袞袞，賞心何事每匆匆。
忽濺珠却憶銀河落，招隱空懷桂樹業。
為謝山靈好留客，滿天烟雨鎖冥濛。

聽泉仙榻

寶墨鑱崖落鏡光，泉從嵌竇滴琅琅。
鑿開蒼壁為仙榻，何意凡蹤共對床。

赤城

一百三

風烟盡入錦囊收，水自泠泠谷自幽。
仙榻莫愁長閒寂，夢中笙鶴有時留。

清歡閣

樓高未易攀，境絕出人間。
雲霧空中閣，蓬萊海上山。
星槎來縹緲，衣職在絲綸。
關內青牛返，遼東白鶴還。
斑衣頻入夢，隱几輟乘閑。
却恐芝輪遠，仙凡隔海寰。

經慈忠壇

人生皆有死，北邙多古墳。
哀、戰死鬼萬里。

未招魂小邦雷雨震皇威消海氛壤地雖彈丸
二百年屏藩天心在恤小授鉞李將軍旌旆渡
江來指天天為昏攻賊無堅壘迅掃即解紛摧
枯拉朽易一戰樹高勳蜂蟄猶有毒賈勇翻成
寃當其大呼時豈顧一身存蟻附爭登城先從
普通門赴死不知避可惜幾趙雲痛哉愍忠壇
形勢異杏園三韓再生人何以報聖恩天仙作
詩吊此意良已勤將軍歿雲中大功在旋坤

謁箕子墓

不期而會幾諸侯玄鳥之神弗祀秋天下爭勝
卜周鼎海隅猶得列箕嚆公歸無所還今日我
周為臣只古丘能使東民知禮義天仙到此為
遲留

平壤十六景

巉巖一片臨江石屹立千秋捍水功下有神龍
為窟宅故將雷雨鼓皇風 德巖
中山妙法造芳膠石縫餘糟語轉豪吟到芙蓉
千日醉不妨江漢擅風騷 酒巖

朝天片石一登臨碧水西流歲月深隔浦何人
吹玉笛悅聞環珮半空音 朝天石
天孫當日役江神汗漫騰身跨翠麟千古精靈
應不滅碧空何處獨朝真 麒麟窟
突兀層臺涓水濱烟開雨接露精神凌風直欲
躋高頂倘見雲間綽約人 乙密臺
八條遺教在東民同井為田問幾春更遺三韓
霑雨露祗今邦命屬維新 井田
錦繡為名已自奇晴天紅綠更紛披何方喚起
王摩詰寫出烟消翠滴時 錦繡山
富貴花無十日春如何錯比碧嶙峋天邊一抹
修眉似萬古長留黛色新 牡丹峯
鰲背浮來江有沱瀛洲十島未為多蘭漿桂棹
沿洄久雨後烟波淨綺羅 綾羅島
鴨綠清川大定江大同形勝信難雙平鋪淨練
終歸海滄浦元從萬壑淙 大同江
小亭飛出近烟空直欲超騰向月宮喚作快哉
猶未足不如江上御冷風 快哉亭

一練分明迴抹坤危欄高壓大同門躍金沉壁

真難定長帶朝暉夕照

練光亭

無修前人廢後觀舊遊蹤迹未應漫何當幻出

空中閣百頃平湖瀉廣寒

浮碧樓

風送清灘析瀝聲江天四月雪花生白銀雖白

終難擬疑是秋來河漢明

白銀灘

水輪徐轉散金波蘋末涼颼入夜多珠露團團

仙掌迴玉欄干外聳高荷

風月樓

大同城畔敞譙樓千里湖山一望收再造藩邦

奉天稿

卷一

〇三

恩浩蕩萬年長得保金甌

挹瀨樓

長歌

許身安敢望偷閒孤山元是我家山家山入望

歸未能少年為官今鬢斑翰林標格超一世飛

上青雲真自致太平天下流虹慶銅龍樓上浮

佳氣遭逢千載際會奇宣

詔東藩綠誦詩我

來江上將君命一見驩若平生知詞吐洪鍾雷

隱、望之若仙難可近小邦迎迓親彈誠所在

本波至如縻公昔三策獻天人職親地禁掌絲

綸海外紙生亦何幸乃夢拂拭叨後塵金七屢

分刀圭藥下士早已開東閣青牛出來關吏覺

白鶴飛度遼天廓道旁忽見玉溜泉雙碑舊蹟

今猶傳我說西關少勝賞雖有崔顥無晴川東

南形勝離人境賈絕幽遠惟鳥影我家孤山湖

左地若更在此應脫穎萬松亭下映花潭流入

漢江波漫漫、拔地雲根峭蒼壁倚天螺髻浮翠

巒山似高人長偃蹇笑我猶未窮深淺公聞吾

言領其要筆騰龍蛇詩在卷太乙真人植青藜

奉天稿

卷一

〇五

天祿閣畔候公歸東民爭欲留白駒顧公旌旆

少遲遲吳中山水公所好曾向蘇門發長嘯入

袖明月出滄溟披襟長風來萬竅樹影鐘聲滿

中流金山烟景入吟眸起來正蒼蒼生望文采

炯如珊瑚鉤川路阻脩不可越苦憶梅花雪後

發如今竣事及端陽歸興每在吳江月人道長

樂笑向西夢尋舊路應不迷南京翰苑是道家

不勞騎馬聽朝雞願神豈被形所役雲霧窓深

秋夜寂只恨相望復萬里人間天上雲泥隔雖

欲從公學羽化柰此井蛙拘東偏中江分手倍
黯然黃鵠冲霄相後先人生遠別始知難尙慰
瓊琚留篋間道路綿邈天時勢區區所祝惟加
餐

義州留別

相隨不覺到中江既見當時已卽降此去金陵
隔箕壤由來析木杳天杠清篇屢獲明珠百嘉
既全勝白璧雙把玩一生常在手彩虹長得貫
晴窓

龍灣午日

上界詩仙下外藩芝輪忽返國西門偶逢五月
天中節遠慰三閭水底鳧為客屢飛南國夢解
憂曾樹北堂萱明朝江畔簫笳渡遙指祥雲日
下叱

雨發車輦

添來小澗泠泠響夫却遙山點、螺莫恨前途
泥正滑滿天烟雨捲恩波

棘城

棘城城去海門不遠有綠莎浦

幾疊遙山擁紫峩紅巾為賊此橫戈當時戰骨
埋蒼蘚終古烟波鎖綠莎元季風塵騰萬馬洛
陽荆棘出雙鶩今逢聖代恩無外草木猶霑雨
露多

叨陪後壘已浹數月過蒙致春銘感平生今
當遠離黯黯難勝謹綴荒蕪情見于詞非敢
曰贈行云爾

玉節東來鳳詔頒暮春江上始承顏每稱四海
皆兄弟况此長程共往還浮碧樓前俯羅島三

清閣上對香山高懷獨出形骸外雅賞常存水

石間玉溜為池增地勝銀鈎鐘壁發天慳雲泥
此日分霄漢珠玉千秋滿海寰目斷未堪魂夢
遠形留只得鬢毛斑相思別後如明月萬里清
光不可攀

迴文詩

妍華滿路客看先玩賞行吟縱馬鞭連岫疊雲
埋斷樹小橋橫澗注流川眠酣蝶粉滋花露語
關關梭織柳烟年抵日長愁羅夢草芊綠草遠

郊前 春日

中天碧岫列叢叢，半夜愁人對月宮。
駘繫柳堤江漲綠，鶴盤袍袖錦摛紅。
攏閑曉霧花藏燕，塞捲遙雲渚落鴻。
同客遠州鄉念苦，風流最是憶

吳東 鄉思

遊人幾處頻沽酒，客餉多時細膾鱸。
鳩喚夕林烟裊竹，鳳巢春檻月低梧。
洲長接海飛雲斷，樹暗連江落日孤。
搜盡好詩清興逸，愁生眇景晚開圖。

春使稿

百一

占蛛獨坐夕燈昏，重覺情深妬寵恩。
蟾彩照帷羅窄地，柳綿鋪徑雪連村。
簾珠捲雨紅飄檻，爵玉斟醪綠滿尊。
奩暗閉鸞孤舞鏡，添新恨處鎮

楹軒 閨情

枯藤瘦柱任人扶，老至先生一事無。
孤月夜筵開綺綉，霽雲春色漾觴壺。
紆縈細唱排珠串，嫋婉清簧奏鳳雛。
鬢鬢雪明高燭短，呼盧戲轡輒

吹等 融飲

悠々極目騁仙遊，峻陟還愁客路脩。
留月辟欄

迴接棟鎖烟青野，迥連洲抽簪亂岫連。
雲盡繞帶長川，劃地浮謀醉熟知。
真趣逸樓危倚，通暢懷幽登樓。

折字詩

選林村 橋柳門

庠 習位 花紅 真

曲逕疎林山下村 小橋垂柳拂重門
半簾缺月人孤立 花底紅稀倒玉樽

春使稿

百二

花春樹 陽翠峯

亭目愁 浦茸

花落春殘樹木濃 斜陽空翠接高峯
長亭目斷愁心絕 隔浦平沙亂草茸

路城 門友行

倪烟春 雲雨 輕

高低細路傍長城 門掩空庭人獨行
虛幌蒙烟春日永 淡雲微雨正輕

徑徑 辛 窓 月

簫笛官 榎 陰

三徑蹤橫細草平 寬閒虛白月分明
短簫長笛無人管 夏木陰邊半出鶯

江 洲 岸

橋望 腸 天 鴈

江水成流浸白沙 長洲側岸傍開花
平橋回望鳴偏斷 落照天邊鴈字斜

生 頭 浦 溜

重 遙 沙 岸 晒 態

無人獨坐白成頭 浦口橫雲傍水留
千里遙空目空渺 亂峯西日結長愁

雨云 天 林 翠 涓

阮 日 濱 劍 波 小 照

雲斷遙天獨鳥橫 疎林空翠十分清
片帆殘日蒼溟闊 長劍開波斬巨鯨

途 一 柳 蓀 鶴

野 雲 河 東 鰲

長途斷雨洒黃泥 花裡孤村半午雞
大野連天雲似墨 河流東去鳥飛西

崗 霞 瓦 旁

程 塞 行 岸 花

倒景銜山片、霞 半邊流水半邊家
長程接塞行人盡 闊岸參差隱草花

柳 機 水 潘

江 畫 半 綸 鷗

垂柳磯邊繫小舟 斜風逆水水如油
空江永晝無人伴 裏、纖綸拂白鷗

露 鞭 瓦 霽

情 屋 簷 夢 月

露滿空庭近二更 中天缺月漏雲明
多情歸裡孤燈暗 片夢朦朧半不成

峯水

露詢雲多

鹿殿生

嘉見何

雙峯臨水並栽
塵土半生形役裡

斷露微雲夕更多
其如稀見可人何

東國西垌柳君迂于江上相泛往返和

章遂尔成快爰并持以贈同好諸君

所和隨其多寡附存于後以紀一時共

事之情倘之有永云耳 朱之藩識

朱使稿

四

〇二月十四

漢江

議政府領議政柳永慶

江上樓臺兵火盡盡舡猶足綺筵張真仙到處

烟霞衛澈邑由來山水鄉酒後微風生晚爽詩

前好月動晴光陪遊不覺恩波隔却笑當年郡

樂浪

天上人輕地上遊等閒軒蓋到江頭初憑酒賦

堪陶寫遂欲漁歌與唱酬總為皇恩無外國非

關此境少中州下流餘勝還須選莫使平分物

色留

泛舟觀漁

漢江自古娛嘉客不能十里長安陌南北往來

簇輪蹄自在漁村與釣磯江天澹曠連海國林

巒在呀非攀陟采石空聞李謫仙赤壁堪謝蘇

公軾惟有崔顥叶風流漢陽樹魚鸚鵡洲天上

真人留我館忽契霞想來登舟見賞此境殆天

與許以稽事網亦舉當其潑刺皮刺時縱觀誰

笑忘簪組左右伺者如林立庖人鼓刀事尤急

羣魚應悔居清淺誰肯問之對以鰓大者宜燠

朱使稿

〇廿五年

小宜鮮風味更佳銀縷纖盡物取之亦不忍不

禦其漏容伏潛何待秋風討吳鱗足助酒興超

塵界斜陽烟景復流月造物定知今日會陶然

醉後倚揭蓬一夢依一侍九重燕雀安測歸鳳

路會應彩雲瞻太空

蠶頭峰

今日清遊明日行蠶頭物色屬高情仙風颭々

雙旌蓋僻壤區區一石泓極浦潮來青草沒遙

山鳥去白雲生不知馬首依倚否烟樹通州向

鳳城

狎鷗亭

人自忘機鷗自樂可以入羣豈相驚鷗雖可觀
不可玩一人之心好與兵列得海上莊濠上鷗
魚同歸至道形大人先生持喻我心欲與物無
將迎鯁生本自居城市衰白不離班行裏何能
便有滄洲情出郭無多占烟水巖巒陡絕環之
流鷗來不猜釣魚舟亭子未成名先具且襲前
人道狎鷗他時縱遂濟勝志天仙何路陪重造

奉使節

百五十六

勅賜鑑湖知不暇大川舟楫屬勤求

頒詔禮成

領中樞府事李好閔

芝函擎出煥綸章獸錦輝煌色奪陽却靚晴空
騰喜氣還憐露草噴奇香懽呼沸海傾窮谷徒
馭如雲服上褰帝德祇今何以報妖氛久已淨
扶桑

碧蹄曉發

殘更蠟炬燦星離絕度山椒更水涯林樾分明
應有霧風鳴蓬勃覺翻旗誰知槎使催車意政

慰藩氓拭目時看取迎恩禮成慶西郊晴旭轉
清熙

觀漢城迎詔

高聳棚竿切碧霄陳郊為迓漢槎進麾來饒鼓
聲轟輅幻出魚龍勢狎剽方丈仙山海鰲背大
平金字橐駝腰歡欣但助嵩呼地不是踰、協
舜韶

讌集南別宮

恪謹吾王戴聖朝每將誠悃昂臣寮授餐祇為
優賢薦悉賦非綠畝邑饒置河南宮容薄禮懸

心北闕仰層霄箇中和氣覃禽鳥客舍流鶯舌

正調

謁聖

孔庭喬木夏陰繁聽講青衿看擁門天上鳳毛
殊物色人間玉振繼遺論清詩見落堂悠久健
筆承題鬼護存浮海當年聞聖語不瑕吾道在
東藩

漢江紀遊

漢江春色來天地千載今看勝事張四海弟兄
休問客一方風景不須鄉微波如拭涵人影好
月無端落鏡光醉後笙歌夜歸院夢中燈燭在
滄浪

曾侍開雍作勝遊至今清夢在江頭臨樽却怕
金杯倒得句還慚玉案酬此日正當五百載仙
人重到漢中州颺輪西返情彌劇駐景惟須盡
意留

泛舟觀漁

江頭艤船迎仙客香風澹蕩芳芷陌籃橋隱々
送馬蹄錦席奪却漁人磯亭址迫臨龍伯國躡
岸蒼杞勞攀陟皇華勝遊趣清和臨江作賦同
蘇軾高臺雲幕領風流肩輿怕熱移滄洲黃帽
老人尚解事結茆為屋蘭為舟風雪浴沂聖所
與不妨春迤迤追脩舉連網竭澤古人戒短罟一
一分楚組須臾三老傍舷立舉網得雉懼呼急
登盤鬚鬣狀萬殊矍目張唇請對臆老鱗耐久
宜入饌奈不滿尺銀纖々一供仙厨我無恨放

他國々令幽潛鄭僑深仁不忍鱸坐見掉謝清
冷界傳觴促席各忘形自有漢來無此會興盡
當歸尚揭篷俯視層浪烟重々陽侯有知應悵
望颺輪一去江天空

蚕頭峯

今朝佳雨駐仙行得侍蚕頭別有情與漢同流
多赤壁探龍何在枕幽泓波涵紅日看々下鳥
度青山箇々明非謂中原無此勝奇遊猶足詫
燕城

蒼玉巖

碧霧中間駕赤虬天風颺々度江丘一劍明朝
問無處幾時騎鶴下揚州

皆春亭

物色輸公任採收小亭頗豁愜仙遊兵餘甲第
蕭條甚天末遙山眺望悠題詠風流容競賞雲
烟嫵媚鎮相酬邦人却怪星虹氣為有楣間寶
墨留

山雨樓

樓箔平看木瓦山、靈多事送青還雲藏真面
時呈黛巖瀉清泉或作灣樹木新從兵後蔚風
烟長向檻中間名樓會取留人意雨歇丹梯倘
可攀

伏蒙辱賜題彰賜亭詩整冠款誦風若清風
生楮面曷勝感歎鯁生衰病劇矣朝暮當歸
亭終老非惟未死之年詠德音即冶金鑄
石以為鎮家之寶謹依高韻用效卑悰

賈山曾費尚方金鴈足題恩到上杯續荷皇華

奉使稿

天

百下

吟白雪應憐窮海繫丹心庭松入夜生天籟澗
水繁門聽玉琴堪笑此情良自苦有聲皆似郢
中音

讀別紙四絕

今年不見花梅老空槎牙清詩仍健筆勝到西
湖家

賈月乘槎客方洋誰可遮歷看天外勝佳處着
仙家

曾奉蘭翁號還栽萬玉開何由理謝屐一破門

前苔

明鏡山陰道桃花武陵風遐方那可到今日見
詩中

題畫

客度青溪獨石橋茅齊棋局倚岩先心中已會
歲洋趣匣裏枯桐不用調

琵琶彈破空江水明月在天風乍起雙鴻知我
無心人推引向來聊爾耳

郊院別席

奉使稿

天

百下

西郊楊柳綠千枝折得長條贈別離豈有浮丘
久下界空教阮籍泣窮歧清歡可忘江干會厚
意還瞻墓道碑約到金臺思不斷此心真似藕
中絲

詩到開絨拜玉枝詩中愁思看離、鴛啼古院
依前夕柳蔭長橋是別岐一幅新圖江上會數
行清淚峴山碑倘教松柏如相託恨不將身學
鷺絲時方謀寓漢江縣頭兩會流傳勝事故第、句及之

漢江紀遊 原任判敦寧府事李光庭

滿船絃管促飛觴爭道新詩水部張千里客魂
懸魏闕一年春意罷江鄉開移桂楫搖波影笑
對蓬峯引月光他日倘思今日會可堪登眺更
淋浪

畫鷁中洲爛熳遊夕陽飛旆颺江頭新詩不厭
英瑤贈好意寧忘雜佩酬風月祗今餘赤壁襟
懷都是付青州流光逝去移蘭棹絲管聲挽
客留

泛舟觀漁

江上和風引上客清曉有興出西陌望歌擁路
雜輪蹄兩仙駐節臨苔磯濟川亭子名海國乘
興不辭勞遠涉東山綠竹繼謝安赤壁風月追
蘇軾亭前湛江水流島嶼出沒連芳洲中天
睇眄殊未已更復移尊登彩舟高譚朗咏相許
與座上風標皆舉漁人挾柁謳發長綢橫
江密如組衆鱗鱖跳復立沙岸漸近波濤急祗
為般遊助歡譁豈是婪酣快膏臄徐州禿尾漢
陰編取之不復論洪纖馮夷股慄水仙怒鱣鮪

遠逝蛟螭潛酒中樂作仍設繪此興已覺超塵
界但憐頃刻割素馨龍門求失風雲會歸舟日
落浪打蓬極目烟樹何重向來奇事易陳跡
獨留江月當青堂

龍頭峯

錦筵瑤瑟酒盃行沙鳥江雲覺有情晴岫日邊
呈玉乃朵怒濤風裏亂銀泓歸心休說催歸馬此
別懸知隔此生進想後來相憶處漫將離夢寄
皇城

漢江紀遊

原任禮曹判書李廷龜

亂後江山如有待名區物色荷鋪張牙樯錦纜
迷芳渚玉節麟袍映水鄉杯湫仙醪渾雨露筆
宣皇澤盡龍光蓬瀛可到應非遠方丈三韓是
樂浪
天上神仙下界遊蘭舟縹緲漢江頭鬱金美酒
仍醉霏玉清談唱更酬風月依然泛赤壁烟
嵐還似下楊州明朝別後雲泥隔悵望馳輪不
可留

泛舟觀漁

金門大隱謫仙客霞蹤偶落人間陌、上朝天
走輪蹄歸夢日、沙邊磯忽焉銜綸下東國經
過幾處窮遐陟薊野遼山與鴨水萬里風烟入
伏軾吾東形勝漢之流平沙斗岸而長洲湖上
風恬不起波錦纜簇、連方舟聯翩錦袍此容
與風飄雲袂空中舉吾王繹絡送厨珍儷燕傾
朝會簪組酣來乘興迭起立禮數寬容酒令急
逼座春風情意融語或不傳對以臆漁人網集

本後稿

二五

二五

船下潭、清魚可數洪纖有時得雋語爭囂錦
鱗潑刺抽淵潛大者嚼之小者鱗紅縷銀絲迷
眼界人生勝遊苦難再况復忝陪天仙會須臾
新月照船篷汀花浦樹陰重、崑丘宴散馳馭
遠碧雲杳、瑤池空

簫頭峯

芝蓋聯翩並袂行白鷗飛近引閑情高雲錦席
千尋壁斜日蘭舟百丈泓勝境豈期叨此會宿
緣應是在前生陪歡不覺明朝別愁殺歌筵唱

渭城

數日叨陪遊賞密邇笑譚薰挹德宇此實千
古所未有之盛事况蒙辱惠詩扇墨妙如獲
拱璧什襲中行馳輪倏返勝遊如夢曷勝瞻
想敢攀瓊什用寓榮感悵黯之懷

翰閣仙曹天上人鯁生何幸接清塵文章李杜
應方駕墨妙鍾王是後身四偈法言心上訓一
團輕筴掌中珍台躔夜、瞻霄漢對越瓊詞而
目新

本後稿

二五

二五

漢江紀遊

工部劉君徐清

籃輿曉出城南陌澤國江山錦繡張聞健且須
拚勝集逢場休說是他鄉沙邊鷗鷺驚旗影水
底魚龍避日光賤子承歡真不分綺筵扶醉鬢
滄浪

彩鷁浮江作勝遊山花如錦滿山頭金杯灑、
醒還醉綺語翻、唱又酬生歲偶然同甲子晚
年何幸識荊州星軺一返雲泥隔莫恡當筵更
挽留

泛舟觀漁

驟驚鞭鳳日邊客，銜綸早辭金臺陌。前驅萬馬散霜蹄，探勝或上蒼苔磯。漢陽山水擅海國，地近不須勞升陟。駕言出遊風日和，江頭物色迎朱戟。蒼崖斗斷大江流，芳草芊綿白鷗洲。江上高樓已槌碎，樓下清潭停畫舟。賤子何虞不我與，揖登傲々袖屢舉。殘紅未落嫩綠陰，倒影中流粲若組。漁人下網船頭立，得雋喧々收正急。柳穿琴鯉三尺長，怒顴豕吻欲計臘烹鮮。魚鱗

奉使稿

百五十六

調梅鹽齋官豈解分洪，纖仁心不忍盡物取。為放巨魚波中潛，午熱冰盤薦細鱠。一嚼置我清涼界，鳴漿沂泗間。善謔儘是東南良，覩會笙歌寥亮響短篷。遠浦漠々山重々，恍然乘月入火城。瑤臺一夢還成空。

蠶頭峯

下界仙遊說此行，岸花汀樹總含情。離懷賴酒傳瓊掌，漫興催詩喚寶泓。風陣效奇吹練急，水村如畫累烟生。他時歷略長江勝，倘記湖山似

石城

寶箴瑤篇貺及凡，賤諷誦百遍銘感寔多歎。步原韻仰希電報。

兵曹判書許晟

江上城門候曉鷄，紫泥欽捧御前題。驚看使節逾陽谷，政見皇風暢狄鞮。信宿豈無來下戀，退朝猶憶柳邊迷。八條遺澤東漸裏，更喜仁恩浹遠黎。

漢江

奉使稿

百五十七

江山勝槩饒題品，一顧還應價更張。鯉到始堪為盛事，醉來何處是他鄉。仙舟得待同朝喜，盛禮承歡絕代光。萬頃琉璃涵玉樹，樽前不愧唱滄浪。

和風遲日送仙遊，勝事方知是一頭。錦纜徐牽看自在，玉杯爭獻忝相酬。恭聞正學傳雲谷，良愧非才後郢州。從此江山無物色，翰林多暇少分留。

觀漁

香案傍邊輟詞客勅奉芝函出綺陌宣麻禮罷
催昆歸鳳節雙臨黃鶴磯此江烟景擅東國儒
仙自昔頻遊陟雲幙高寒玳筵開敢請皇華輓
停軼平沙鋪練環瓊流鰲背微茫露遠洲纔向
層臺騁遐矚笙歌移上沙棠舟翰林文采天付
與軒、霞綺空中舉黃門雅望亦超倫麗藻凌
雲謝繪組蘭橈鴉軋竿立嘯倚柁樓夕風急
龍門共喜忝登仙樽俎雍容寫胸臆巨網截江
遶玉鮮銀尺潑刺跳輕纖鯢呀鬣爭吟沫蛟
鱗戢鱗波臣潛張翰不足誇鱣膾蘇仙莫詫三
州界且將醕酎終永夕此時此樂無人會瑤空
桂魄明竹篷驪龍吐珠金波重紫簫聲咽颺馭
發江天冷落江雲空

蠶頭峯

江路堪忘十里行青山綠水愜高情層崖遙矚
矗蒼玉近渚薄沁凌碧泓樂意却隨舒景展離
憂還共遠風生懸知他日臨沅處目極烟波接
帝城

漢江

戶曹判書韓浚謨

東藩佳麗漢之陽終古風流少主張天遣星槎
窮勝賞人瞻玉節下仙鄉江山題品增顏色樽
酒留連媚景光此日陪遊疑夢寐扣舷空自詠
滄浪

四月皇華江上游傾朝冠蓋簇沙頭清歌繡幕
停雲唱美酒金樽盡日酬蓬島風烟移下界帝
京花柳隔中州颺輪明發催歸去仙躅何由得
少留

泛舟觀漁

清江麗景邀嘉客催駕星輶出南陌上晴雷
殷輪蹄江邊紅旆蔭苔磯此江形勝擅下國終
古遊人幾登陟武昌當日稱庾亮赤壁千秋說
蘇軾就如金鑾第一流金天衛命臨芳洲芳洲
物色政堪翫碧波萬頃橫龍舟蘭槳挂棹澹容
與鼉鼓喧轟玉卮舉爭占水隈下網圍漁子歡
呼引長組金鱗競躍銀鬚立鮫室將傾夕風急
鑿刀飛送雪絲、下筴令人爽頰臆古者鬻市

須盈尺今人不擇巨與纖隨泡逐餌祇為累在
藻不若深淵潛吾寧不用炙與餽舉手遠放清
冷界濠梁達士不可見至妙如今誰更會須臾
天月照踈蓬醉興杳落青山重仙輶忽返江伯
愁極浦依々烟水空

蟹頭峯

輶輶嚴程出郭行漢濱高會有餘情烟波一望
連滄海石壁千尋俯碧泓宿雨乍收汀草濕晚
風時起浪花生仙舟蕩漾迷歸處疑公蓬空度

赤城

漢江蟹頭兩高會實海外鯨生不曾圖之盛
事重蒙辱惠詩扇并揭留柳川二大字不勝
感兢謹次扇上詩韻追伸謝忱死罪
相思臨水聽潺湲不忘清江夜扣舷萬里關山
難縮地百年魂夢幾朝天新詩灑落留篋扇彩
筆飛騰揭柳川未死酬恩更無路會將仙躅倩
龍眠時陪述諸人方謀繪跡以寓懷飛不復之思故落句及之

漢江

漢城府判尹申欽

平湖千頃碧茫茫曲岸岩峩綺幕張宵漢競瞻
儀鳳彩樓船正是水仙鄉霞觴屢舉催龍管壁
月纔昇乳鏡光勝地盛筵知不再莫嫌今夕且
聊浪

玉節聯翩作勝遊蘭橈晚艤漢之頭且將禮數
寬羈束唯許盃觴盡獻酬下里可堪聞白雪此
生何幸識荊州泥鴻遺跡還惆悵莫惜鸞驂為
少留

泛舟觀魚

先生本是丹霞客輶輶仙蹤遊九洞天衢萬里
騁霜蹄閑却江南烟雨磯手擎鳳綸領下國入
眼山川恣尋陟高標拔俗幾千丈遠追甫白凌
轍軼瞻彼漢廣橫中流白沙青草迷汀洲聯翩
玉節盡往觀桂為之楫蘭為舟山光水色乃吾
與綵旗漾々隨風舉遲々麗日正清和微波淪
漣如繡組歡深不覺棄箸立禮數差寬酒令急
漁翁持網集泓底泓底銀鱗血灑臆須臾得雋
從丙穴鬚鬣擢盡無洪纖惜哉進不透龍門退

又不能效沕潛厨人游以供燔膾風味疑與松
江界鮓籌交錯逸興飛感矣斯文一際會鼃輪
魚路可再攀北極縹緲彤雲重却愁明朝回首
成陳迹唯見碧漪連長空

蠶頭峯

盡日蘭舟競裏行江天物色愜幽情蠶頭真出
千尋壁蛟室深藏幾及泓勝地百年逢盛事奇
遊今夕冠平生玉京何處重回首悵望仙樓是
五城

謁聖

承政院都承旨尹昉

新堂未稱禮儀繁奎壁流光在入門作勸明倫
三代學得聞靈性一言論同文已自無遐邇宣
化那分所過存正願請疑丞丈地先軫固陋面
牆藩

漢江紀遊

江山歷歷留今古彩鷁橫流粉幕張落地從來
是兄弟當歡不用念家鄉風傳滿座含春意天
卷纖雲放月光永世吾東誇勝事詩仙此日醉

淋浪

南湖晴日政堪遊玉節東臨此水頭境勝未知
清讌洽辰良合用好詩酬壺中自是歲三島海
外何須問九州星月滿天波面滑不妨移棹更
遲留

泛舟觀魚

猩袍玉帶天上客芝蓋東傾渺阡陌公塗觀水
皆涉跡為愛清漢臨苔磯華亭有址最藩國從
古天仙之所陟昔日翬翥雖田祿所章玉語人
猶執是時挑漲淨不流烟樹刺眼連芳洲龍驤
峙樓練丹檻百壺蕩槳方小舟陪從亦荷仙人
與席上射遠金危舉揚濤擔突來源子晉網連
絃同織組舟頭挺义迴林立萬魚驚開奔星急
旁圍十里約一團圍、垂頭仍仰臆停篙切叫
掣數百黏羅銀鱗雜鉅纖清波起尺闕孟門噉
喙安得淤泥潛饕人游亦誇縷鱗可哀轉頭生死
界一物雖云聽造化寸鱗完缺寧時會須更涼
月透船篷振樞齊發江烟重堆盤餘味速與臺

歸路火城燃遙空

蠶頭峯

冷馭乘晴出郭行江山登眺足歡情遙岑鳥度
屏間雪長遂龍吟壁下泓當席屢承恩意重臨
分還覺別愁生那堪明發西歸處簫鼓迢迢向
帝城

伏捧瑤篇百遍莊誦自惟凡賤何以得此不
敢以蕪拙辭謹步原韻仰塵藻鑒

成均館司藝李志元

奉使稿

六

言四四

四圍山勢列蒼屏三派江流入紫溟雨洗汀沙
全露白烟綿岸草亂抽青祥雲靉靆霽寒雙鳳綉
節輝煌擁百靈喜得明珠持滿袖海東前夜照

文星

太史文章擅漢家江郎莫詫華生花題詩綵扇
貞三絕萬丈虹光射紫霞

芝輪東下綵雲開驛路花明雨洗埃寶笈新題
輕內史清風却喜故人來

送別

淑氣鍾山孕俊髦斗南聲望屬詩豪希真標舉
三吳家公叔家風兩漢高象闕親擎丹鳳詔鯤
岑爭親紫麟袍雲霄縹緲催馳馭仙鶴從今隔
九臯

一札天章照海陸輓辭青瑣輟論思光搖北極
星辰爛名動東韓草木知起陸龍蛇樓揭扁騰
霄鸞鳳壁懸詩想歸講席承三接荷橐增輝白
玉墀

獨步花磚侍玉旒俄從紫極下青丘三塲聲價

魁龍榜一試新聲賦鳳樓芝蓋卻催天上返星
槎難挽海東留空餘繡句題便面幾對銀鈎更
刮眸

曉月待渡

禮曹佐郎趙希逸

星斗闌干河漢轉碧空遙襯半輪痕澹隨柔櫓
搖江國孤艇悲笳度塞門曙色漸分催玉節清
光何處照金尊霏微花霧沉前路風馭冷然過
別村

伏蒙瓊什貺及賤庸圭復不已感戰深極輒

忘固陋敬步高韻略紆區、之意

花殿餘春何處往
草重晴日沿溪長
未必桃源在武陵
若為仙侶同漁舫
麻布川絳節東臨瑞
霽開沿途物色不驚猜
風飄仙袂天香滿知自蓬萊
殿上來 新院屯

贈別

大明御極寰宇康
五星燦啓文明祥
羣才蔚興乘運昌
制作彬、軼漢唐
我公超然獨高驤
大放厥辭恣沈洋
草木花實郁芬芳
俾彼雲漢昭回

光含英咀華富蓄藏
化為錦肝與繡腸
五采陸離成文章
燁如綵虹射天閭
艷如姱女凝鮮粧
怒如疾雷破崇崗
快如俊鶻橫秋霜
壯如大河決隄防
凜如劒戟攢鋒鏑
天地之氣柔且剛
物、變化元無常
公乃得之無遁亡
闔闔舒慘如陰陽
經綸大業在贊襄
豈但炳、而琅、懸藜之壁
姿截肪琢為國器
薦巖廊北斗三魁制
華場宸翰題名寶
墨香天上仙曹白玉堂
密通華蓋帝座傍
幾多珥筆扈栢梁
磨歌演綸詞嚴莊

謳歌曾已屬元良
四海之人引領望
熊羆祥夢叶美璋
廣延綿緒休無疆
帝心式悅詒多方
爰有恩言命公將
冷然乘風下東荒
萬里瑞旭開扶桑
金鼓從、旌旆揚
猩袍玉帶何輝煌
龍章鳳姿見未嘗
偶充下价近軒裳
車塵馬迹憤趨蹌
色暎春華射我睚
拔俗標舉殊軒昂
和風融、甘露滾
畦吟豁去無蔽障
海山雲物盡枯囊
幾陶詩興酣壺觴
贈我寶箋繁暑涼
句挾爽氣發清商
白璧如山何足償
效愛未獻江南瑄
復有墨妙倒鍾王
龍蛇糾結騰鸞鳳
絕藝超倫誰敢當
剩將奇迹傳樂浪
竣事旋看回馭忙
惜別不覺情惋傷
山川阻絕各異鄉
更從何處追翱翔
帛江漫、遼塞長
薊門烟樹遠蒼、公不少留涕泗滂
欲往從之路渺茫
六月搏風鵬翼張
翻翻斥鷃捨榆枋
悵望層霄鷗鷺驚
行願言思子不可忘
願言思子不可忘

達川

戒均館直講許筠

浩、平川水安流不起風
波光鋪淨練橋影卧

重紅灌漑資民利豐穰佐歲功瑤篇留紀勝三
歎思何窮

不意瓊章之既下及凡賤莊誦數四感銘于
衷謹綴蕪詞仰博電察

四海紫陽翁存心繼正學金匱事華削豈獨開
後覺電祥發銅儲奉詔辭講帷絳節來遙峻
姿瞻華々自慙薄忝將迎迨陪軒蓋候嘉平
巖亭嶠賞驚落華淋瀝拂岫流雲輕更將妙語
題便面瑤琰驪珠今創見高吟爽籟生天風簾

外落紅飛片

數月陪侍耽觀音容彩翰瑤章嘉惠孔殷顧
念卑賤何以得此於左右即者聽輪將返祖
較難淹仙凡杳隔離思縈懷敢托長句庸紓
下情伏希斤教

丹霄奎壁爛輝光縹緲羣仙侍紫皇翰苑獨高
唐法從狀元尤擅漢文章鵬衢策步雲程濶龍
額書名御墨香池上鳳毛明五色袖中狐筆富
三長時當玉頰敷璇緒喜溢銅儲發電祥夏代

謳歌元屬啓周家福慶又生昌均驩率土宗祔
重頒澤綿區典冊揚為春箕封敦禮俗特宣芝
綽惠殊方朝端掄使歸清裁海外浮槎指樂浪
舊賜緡袍花爛熳新持綉節彩輝煌風儀映日
爭先觀物色沿途剽取將已覺江山酬勝賞却
收珠璧貯奚囊變傳瑤札臨王府旋返輜軒向
帝鄉北極觀顏當夏景南垣司篆帶春坊還家
畫錦榮懷組戲綵靈萱壽薦觴托來自多叨候
近樞衣何幸忝門牆謏才謬許齊下度末學徒
懷事紫陽文賞玉樓紆獎飾許留寶笈借芬芳
鍾雲棲楚天空濶薊樹浮蕪路渺茫悵望飛旌
南國遠只勞魂夢繞吳閭

謁聖

議政府左叅贊宋言慎

明庭禮數不辭繁出入從來在是門化被東漸
能自濯人先北學敢輕論爭趨共喜文斯在快
觀方知道即存寶墨淋漓光五教永留嘉惠貴
維藩

知中樞府事鄭昌衍

百年文物盡凋繁快觀奎星耀廟門藝苑聲名
推獨擅殊方詩禮與誰論銀鈎題扁千金重壁
水流芳萬古存幸脫干戈事紘誦普天皇澤最
東藩

成均館大司成洪履祥

樽俎雍容縉禮繁鯁生何幸托龍門欣瞻寶墨
輝新構更挹春溫吐緒論翰閣詞華風格老考
亭家學典刑存洋聖代同文化莫道東韓是
外藩

納翠軒

海內高名仰泰山却留瓊唾貴松關馳輪一去
音塵隔北望燕雲鬢欲斑
酷憐新構地偏幽嵐翠霏微檻外浮健筆定應
神鬼助時風雨繞荒丘

臨津江

新詩雄緊孰爭隈坐遣蓬心豁爾開直訝鵬掀
翅九萬還如龍怒駕瀛萊輕紉薄裁湘竹縹
帙看剪水苔却喜仁風仍滿座簾金何必遺

雲來

大同江

成均館典籍尹訥

別筵衰涕忍潺湲而况詩中詠扣舷一陣清颼
傳海域百年高義薄雲天嗟枯妙用宜調鼎拯
溺神功仗濟川多少衷情言不盡欲將摸索倩
龍眠

洞仙館

刑曹佐郎金存敬

洞裏仙人昔倚樓空餘名字表真遊鼎中龍虎
遲難就頭上烏蟾迅不留小草書藤渾玉索清
詩悲世閱蟬蛸歸來滿袖驪珠重夜半神光徹
九幽

峯頭石佛

翊衛司翊衛姜統

顯玉色立如山早把文名動世間龍禁夜深
蓬燭短鑾坡日永錦袍開九華掌裏三秋冷七
步宵中五彩爛從此佻教驅酷吏清風仍得爽
吾頑

太虛樓

兵曹佐郎權昕

縱橫壓子虛陽春欲和却躊躇誰言禮絕

還投分只信情同未作疎千里星槎臨海域五
雲環珮返仙居輝煌寶墨榮家牒不獨揚風最
起予

迴瀾石

原任弘文館校理權縉

絳節遙臨百曲川為憐蒼壁却捎漩一時詞學
傾瀦陸千古襟期歷務消寶筵搖豪珠出海震
章留跋玉含烟他年想像天仙面懷袖清風便
灑然

蕊秀山

原任戶曹佐郎朴明樽

古洞香風吹碧桃詩仙浥露弄柔毫銀鈎落紙
驚回鳳硬語盤空掣巨鼇便面詎宜貽俗子醉
心渾似飲醇醪平生遠慕滄洲老丹穴真瞻五
色毛

漢江

侍講院輔德李堪

錦筵瑤瑟漢江遊舞罷妖童花滿頭詩句值公
難作對酒杯從客迭相酬天開形勝邀仙侶人
道風流似峴州此會異邦那再得彩舟將下更
淹留

平壤

成均館典籍宋頊祚

何意鸞凰數驚鷄手中輕筵寄新題動人符彩
儀朝野蓋世才名震狄鞮紫氣暗隨雙節遠丹
霄空望五雲迷惟應不沫清風在吹盡東韓百
萬黎

碧蹄曉發

禮曹正郎沈諱

祥烟籠旭影離離迎詔歡聲溢海涯儀鳳聯
翩隨玉節晴虹繚繞掣金旗堯天舜日逢千載
聖子神孫頌一時餘緒雄風承寶箴洗清煩熱
固淳熙

既承惠詩扇又奉和命不勝感惕謹綴俚語
伏呈

漢城迎詔

禮曹正郎宋驛

煌煌玉節降丹霄萬里東藩不悻遙威鳳耀翔
光電施彩鰲馳戲勢風剽觀瞻士女爭加額禮
數君臣共折腰珠唾忽隨便而至朗吟花底悅
聞韶

漢江

成均館司藝丁好善

天不動江流穩彩鷁凌波衆樂張風月引人
拚勝地乾坤隨處是吾鄉山階落日增晴色樹
帶寒烟逗遠光尊未卽時歸未可莫辭今夕醉
淋浪

高麗故宮

成均館直講睦長欽

今代騷壇第一雄早年詩律中商宮停槎海嶽
身驚遠撫跡興亡意自恫雙鳳紫霞翔萬仞孤
巖白日出深叢鯁生亦幸霑恩賜嘆提携滿
袖風

玉溜泉

成均館典書金壽

千年古壑鎖青嵐小竇寒泉滑更甘要送餘
歸巨海故分清響落深潭流傳剩入騷人咏勝
絕偏教過客談眞常在心詩在扇天仙佳貺敢
辭貪

彰賜亭

司導寺正趙希輔

橐囊歸來賣十金郊原卜得小園林溪山繞屋
堪乘興烟靄當窓足賞心終日倚筇還覓句有
酒獨鳴琴清詩多謝新題扇從遺東人識

音

奉使稿

無卷數 兩江總督採進本

明朱之蕃撰之蕃字元介在平人南京錦衣衛籍萬曆乙未進士第一官至吏部右侍郎之蕃以萬曆乙巳冬被命使朝鮮丙午春仲出都夏抄入闕與館伴周旋有倡必和錄爲二大冊第一冊爲奉使朝鮮稿前詩後雜著之蕃作也第二冊爲東方和音朝鮮國議政府左贊成柳根等詩也末有乙未制策一道及東閣倡和詩數首爲讀卷官沈演等作蓋後人所附入案千頃堂書目載之蕃使朝鮮稿四卷紀勝詩一卷南還雜著一卷廷試策一卷落花詩一卷與此大同小異蓋所見者又一別本云